

清涼國師華嚴疏鈔
七十八卷
官

C40
4514

10
1
2
3
4
5
6
7
8
9
20
1
2
3
4
5
6
7
8
9
30
1
2
3
4
5
6
7
8
9

C40-4574

了翁二座請大藏及百
家書置之武州紫雲山
我微笑塔院直府中永
為學者不敢許出院內
書山二世鐵牛機謹誌



B 64853



大方廣佛華嚴經疏鈔卷第七十八

于闐國三藏沙門實義難陀 譯

清涼山大華嚴寺沙門澄觀撰述

入法界品第三十九之十九

爾時善財童子合掌恭敬重白彌勒菩薩摩訶薩言
大聖我已先發阿耨多羅三藐三菩提心。

疏第二爾時善財童子合掌下諮問中二。先自陳
發心。

而我未知菩薩云何學菩薩行云何修菩薩道。大聖。
一切如來授尊者記。一生當得阿耨多羅三藐三菩

提若一生當得無上菩提則已超越一切菩薩所住處則已出過一切菩薩離生位則已圓滿一切波羅蜜則已深入一切諸忍門則已具足一切菩薩地則已游戲一切解脫門則已成就一切三昧法則已通達一切菩薩行則已證得一切陀羅尼辯才則已於一切菩薩自在中而得自在則已積集一切菩薩助道法則已游戲智慧方便則已出生大神通智則已成就一切學處則已圓滿一切妙行則已滿足一切大願則已領受一切佛所記則已了知一切諸乘門則已堪受一切如來所護念則已能攝一切佛菩提

則已能持一切佛法藏則已能持一切諸佛菩薩秘密藏則已能於一切菩薩衆中爲上首則已能爲破煩惱魔軍大勇將則已能作出生灰曠野大導師則已能作治諸惑重病大醫王則已能於一切衆生中爲最勝則已能於一切世主中得自在則已能於一切聖人中最第一則已能於一切聲聞獨覺中最增上則已能於生灰海中爲船師則已能布調伏一切衆生網則已能觀一切衆生根則已能攝一切衆生界則已能守護一切菩薩衆則已能談議一切菩薩事則已能往詣一切如來所則已能住止一切如來

會則已能現身一切衆生前則已能於一切世法無所染則已能超越一切魔境界則已能安住一切佛境界則已能到一切菩薩無礙境則已能精勤供養一切佛則已與一切諸佛法同體性已繫妙法縉已受佛灌頂已住一切智已能普生一切佛法已能速踐一切智位大聖菩薩云何學菩薩行云何修菩薩道隨所修學疾得具足一切佛法悉能度脫所念衆生普能成滿所發大願普能究竟所起諸行普能安慰一切天人不自斷三寶不虛一切佛菩薩種能持一切諸佛法眼如是等事願皆爲說。

疏後而我未知下。正問法要於中二。初標所問次大聖一切如來下。歎慈氏有能答之德。卽以此德亦爲問端初總後別。別有五十句皆因圓果滿德。三大聖菩薩下。結問請說兼顯問意。

爾時彌勒菩薩摩訶薩觀察一切道場衆會。指示善財而作是言。諸仁者。汝等見此長者子。今於我所問菩薩行諸功德不

疏第三爾時彌勒菩薩下。稱歎授法於中二。先稱歎後授法。前中二。先爲大衆讚歎善財。卽是嘆人後爲善財讚善提心。卽是讚法。前中亦二。先指人

示衆

諸仁者。此長者子。勇猛精進。志願無雜。深心堅固。恒不退轉。具勝希望。如救頭然。無有厭足。樂善知識。親近供養。處處尋求。承事請法。

疏後諸仁者。此長者子。下正讚其德於中。四。一。明求友精勤。二。明所乘廣大。三。明具德無缺。四。明速證超權。初中。二。先總顯精勤。

諸仁者。此長者子。曩於福城。受文殊教。展轉南行。求善知識。經由一百一十善知識。已然後而來。至於我所未曾暫起一念疲懈。

疏後諸仁者。下。別示精勤之相。謂一時之勤。猶未可歎。自始暨末。一念無懈。故爲可稱。言一百一十善知識者。古有多釋。一云。理應具有。但文脫漏。賢首云。前後諸友。總五十四位。分出德生。有德爲二。則五十五人。各有自分勝進。故有一百一十。若依此解。則違此已言。既云經百一十已。方至彌勒。彌勒等三。非百一十之數。明矣。有云。減數十耳。實唯二百八人。謂此前除徧友。但五十一人。各具主伴。成百二人。徧友。指示衆藝。雖非主友。而示伴友。爲一百二。更加無厭足。王處空。天瞿波處。無憂德神。

摩耶處蓮華法德身衆神及妙華光明神守護法堂善眼羅叉合前總有百人以空天等相問答故得在友數非前主友稱名指示故非王友但名伴友若爾則違下餘城之言下自釋云前至童子童女已經一百一十今更後文殊所故云餘也謂若此爲百人加於慈氏尚始百九并後文殊方正一十何有餘耶鈔若爾下疏破其釋明其立義前後相違上皆敘昔

疏若會通者三釋皆得一種取前更加不動處覺悟菩薩如來使天足成一百一十則餘義亦成以彼二聖亦教善財故得爲伴友其餘已之言但是譯者之意故晉經無有已字則通取前後於義無妨然下復云百一十城又云過百一十由旬皆言百一十者有所表故謂除位位取其證入十地等覺爲百一十一中具十故亦顯位位十相融設有二賢亦唯具十若合等覺屬十地勝進則開十信爲一故進退行布及與圓融皆順百一十言何必尅定前後鈔若會通下疏爲會釋總會二釋從後倒會然下復云下二會藏和尚意取一百一十表法爲妙設有三賢者十地一一攝三位故一

位尚得總攝於十。況三賢望地類例相似。攝之善成。故十地中各脩一度。十行之位亦各一度。十位之位初是發心。後是灌頂。十地之位初證發心。後亦灌頂而受位。故依開等覺。合信屬住。若合等覺。卽開十信。開信是退。開等覺是進。要令十一成百。一十。其第一師義設經來未盡者亦百一十。

諸仁者。此長者子甚爲難有。趣向大乘乘於大慧。發大勇猛。探大悲甲。以大慈心救護衆生。起大精進。波羅蜜行。作大商主。護諸衆生。爲大法船。度諸有海。住於大道。集大法寶。修諸廣大助道之法。

疏第二諸仁者。此長者子甚爲難有。下明所乘廣大。於中三。初總歎希奇。

如是之人難可得聞。難可得見。難得親近。同居共行。何以故此長者子發心救護一切衆生。令一切衆生解脫諸苦。超諸惡趣。離諸險難。破無明闇。出生死野。息諸趣輪。度魔境界。不著世法。出欲淤泥。斷貪鞅解。見縛壞想。宅絕迷道。摧慢幢。拔惑箭。徹睡蓋。裂愛網。滅無明度。有流離誑幻。淨心垢。斷癡惑。出生死。諸仁者。此長者子。爲被四流漂汨者。造大法船。爲被見泥沒溺者。立大法橋。爲被癡暗昏迷者。然大智燈。爲行

生歿曠野者開示聖道爲嬰煩惱重病者調和法藥
爲遭生老歿苦者飲以甘露令其安隱爲入貪恚癡
火者沃以定水使得清涼多憂惱者慰喻使安繫有
獄者曉誨令出入見網者開以智劍住界城者示諸
脫門在險難者導安隱處懼結賊者與無畏法墮惡
趣者授慈悲手拘害蘊者示涅槃城界蛇所纏解以
聖道著於六處空聚落者以智慧光引之令出住邪
濟者令入正濟近惡友者示其善友樂凡法者誨以
聖法著生歿者令其趣入一切智城

疏二如是之人下別明難遇於中二先標舉後何

以下徵釋釋意云悲濟深廣故卽開前總中救護
衆生於中二先明總護一切後爲被四流下約類
別明汨者流急之貌言界城者卽十八界一一根
境識中別別解脫故言界蛇者卽地等四界六處
空聚癡闇無人不以智光引之必爲塵賊所劫
鈔界城者十八界是生歿因相故晉經云三界三
界爲城郭約果相故言界蛇卽地等四界者俱舍
云大種謂四界卽地水火風能成持等業堅濕煖
動性故及六處等並如二地

諸仁者此長者子恒以此行救護衆生發菩提心未

嘗休息求大乘道曾無懈倦飲諸法水不生厭足恒勤積集助道之行常樂清淨一切法門修菩薩行不捨精進成滿諸願善行方便見善知識情無厭足事善知識身無疲懈聞善知識所有教誨常樂順行未曾違逆。

疏三諸仁者此長者子恒以下總結所作。

諸仁者若有衆生能發阿耨多羅三藐三菩提心是爲希有若發心已又能如是精進方便集諸佛法倍爲希有又能如是求菩薩道又能如是淨菩薩行又能如是事善知識又能如是如救頭然又能如是順知識教又能如是堅固修行又能如是集菩提分又能如是不求一切名聞利養又能如是不捨菩薩純一之心又能如是不樂家宅不著欲樂不戀父母親戚知識但樂追求菩薩伴侶又能如是不顧身命唯願勤修一切智道應知展轉倍更難得。

疏第三諸仁者若有衆生下明具德無缺有十三句有一在已已爲希有況有二三乃至全具故云展轉難有又復後後難於前前故云展轉。

諸仁者餘諸菩薩經於無量百千萬億那由他劫乃能滿足菩薩願行乃能親近諸佛菩提此長者子於

一生內則能淨佛刹。則能化衆生。則能以智慧深入法界。則能成就諸波羅蜜。則能增廣一切諸行。則能圓滿一切大願。則能超出一切魔業。則能承事一切善友。則能清淨諸菩薩道。則能具足普賢諸行。

疏第四諸仁者。餘諸下。明速證超權。以依實教修行。故謂卽凡身一生。亦解行生。故千年之鳥不及朝生之鳳。普賢生位互融攝。故依實修者。悉皆能爾。胡不勉旃。鈔謂卽凡身一生者。約圓融說。亦是解行一生。約行布說。故千年之鳥下。成第一凡身一生之義。依實修者。下。通伏難恐有問。言約法

圓融是則可爾。豈得實有凡身一生而得成辦。故爲此通。非獨善財行者卽得。餘如發心功德品。

疏文有十句。初二總明具諸位行。三入十住。四五入十行。六入迴向。又上四句亦皆十地行。又上四義義含通別。下四句通諸地位。鈔三入十住者。此中十句文有三節。初二總具行位。後四亦通。中間四句自有三義。一但攝三賢。以三是智慧。入法界同住義。故四五皆行故。六是願故。二又上四下。重以此四攝十地。三卽十地證智證十法界故。四卽別地行故。五卽稱理具修行故。六卽大願導諸

行故三又上四下義含通別者別如初配通諸位故。

爾時彌勒菩薩摩訶薩如是稱歎善財童子種種功德令無量百千衆生發菩提心已告善財言善哉善哉善男子汝爲饒益一切世間汝爲救護一切衆生汝爲勤求一切佛法故發阿耨多羅三藐三菩提心善男子汝獲善利汝善得人身汝善住壽命汝善值如來出現汝善見文殊師利大善知識汝身是善器爲諸善根之所潤澤汝爲白法之所資持所有解欲悉已清淨已爲諸佛共所護念已爲善友共所攝授

疏第二爾時彌勒下爲善財歎菩提心文分二別初結前生後後告善財下正歎於中四初標歎發心二汝獲善利下歎其發心之器成益三何以下廣舉菩提心德釋成四善男子菩提心者成就如是下結釋所屬前二可知何以故

疏三中先徵意云所以歎善哉獲善利者何耶釋意云菩提心具德故文有二百二十一一句皆通三種發心頓具諸位功德且分爲二初一百一十八句明菩提心徧談諸地後得無畏藥下一百二句

明菩提心頓具諸位功德又前多明信成就及解
行發心後段多明證位發心故文多云得又前段
明菩提心殊勝功德高齊佛果後段喻菩提心自
在功德廣多無量鈔又前段明下約高廣分卽
允統意故依之釋文若順第三意則前段但是三
賢卽分爲三攝上十二初三段十住次五十行後
四十向一意皆通有宗法師於二百二十一喻皆
立別名亦不分別亦無別理。

善男子菩提心者猶如種子能生一切諸佛法故菩
提心者猶如良田能長衆生白淨法故菩提心者猶
如大地能持一切諸世間故。

疏今初段中分二先別明後總結前中文通橫豎
橫則一一發心皆具諸句之德豎則別配諸位發
心以從菩薩種性至於究竟不出三種發心故光
統配十二住初三句卽種性住故云如種如田
地皆是種生之義。

菩提心者猶如淨水能洗一切煩惱垢故菩提心者
猶如大風普於世間無所礙故菩提心者猶如盛火
能燒一切諸見薪故菩提心者猶如淨日普照一切
諸世間故菩提心者猶如盛月諸白淨法悉圓滿故

善提心者猶如明燈能放種種法光明故。

疏二如淨水下六句明勝解行住中之益。

善提心者猶如淨目。普見一切安危處故。善提心者猶如大道。普令得入大智城故。善提心者猶如正濟。令其得離諸邪法故。善提心者猶如大車。普能運載諸菩薩故。善提心者猶如門戶。開示一切菩薩行故。善提心者猶如宮殿。安住修習三昧法故。善提心者猶如園苑。於中游戲受法樂故。善提心者猶如舍宅。安隱一切諸眾生故。善提心者則爲所歸。利益一切諸世間故。善提心者則爲所依。諸菩薩行所依處故。

善提心者猶如慈父訓導一切諸菩薩故。善提心者猶如慈母生長一切諸菩薩故。善提心者猶如乳母養育一切諸菩薩故。善提心者猶如善友成益一切諸菩薩故。善提心者猶如君主勝出一切二乘人故。善提心者猶如帝王一切願中得自在故。

疏三淨目下十六句極喜增上住皆初地中義故。善提心者猶如大海一切功德悉入中故。善提心者如須彌山於諸眾生心平等故。善提心者如鐵圍山攝持一切諸世間故。善提心者猶如雪山長養一切智慧藥故。善提心者猶如香山出生一切功德香故。

菩提心者猶如虛空諸妙功德廣無邊故菩提心者
猶如蓮華不染一切世間法故。

疏四如大海下七句戒增上住。

菩提心者如調慧象其心善順不獷候故菩提心者
如良善馬遠離一切諸惡性故菩提心者如調御師
守護大乘一切法故菩提心者猶如良藥能治一切
煩惱病故菩提心者猶如坑窞陷沒一切諸惡法故
菩提心者猶如金剛悉能穿徹一切法故菩提心者
猶如香篋能貯一切功德香故菩提心者猶如妙華
一切世間所樂見故菩提心者如白梅檀除衆欲熱

使清涼故菩提心者如黑沉香能熏法界悉周徧故

疏五調慧象下十句增上心住。

菩提心者如善見藥王能破一切煩惱病故菩提心
者如毘笈摩藥能拔一切諸惑箭故菩提心者猶如
帝釋一切主中最爲尊故菩提心者如毘沙門能斷
一切貧窮苦故菩提心者如功德天一切功德所莊
嚴故菩提心者如莊嚴具莊嚴一切諸菩薩故菩提
心者如劫燒火能燒一切諸有爲故菩提心者如無
生根藥長養一切諸佛法故菩提心者猶如龍珠能
消一切煩惱毒故菩提心者如水清珠能清一切煩

惱濁故。

疏六善見藥下十句。覺分相應增上慧住。中云毘
笈摩者。此云普去。

菩提心者。如如意珠。周給一切諸貧乏故。菩提心者。
如功德瓶。滿足一切衆生心故。菩提心者。如如意樹。
能雨一切莊嚴具故。菩提心者。如鷲羽衣。不受一切
生灰垢故。菩提心者。如白氎線。從本已來性清淨故。
菩提心者。如快利犁。能治一切衆生田故。菩提心者。
如那羅延。能摧一切我見敵故。菩提心者。猶如快箭。
能破一切諸苦。的故。菩提心者。猶如利矛。能穿一切

煩惱甲故。菩提心者。猶如堅甲。能護一切如理心故。
疏七如意珠下十句。諸諦相應增上住。

菩提心者。猶如利刀。能斬一切煩惱首故。菩提心者。
猶如利劍。能斷一切僞慢鎧故。菩提心者。如勇將。能
能伏一切諸魔軍故。菩提心者。猶如利鋸。能截一切
無明樹故。菩提心者。猶如利斧。能伐一切諸苦樹故。
菩提心者。猶如兵仗。能防一切諸苦難故。菩提心者。
猶如善手。防護一切諸度身故。菩提心者。猶如好足。
安立一切諸功德故。菩提心者。猶如眼藥。滅除一切
無明翳故。菩提心者。猶如鉗錘。能拔一切身見刺故。

撰述
疏八利刀下十句。明緣起流轉止息相應增上住。
菩提心者。猶如臥具。悉除生歿諸勞苦故。菩提心者。
如善知識。能解一切生歿縛故。菩提心者。如好珍財。
能除一切貧窮事故。菩提心者。如大導師。善知菩薩
出要道故。菩提心者。猶如伏藏。出功德財無匱乏故。
菩提心者。猶如涌泉。生智慧水無窮盡故。菩提心者。
猶如明鏡。普現一切法門像故。菩提心者。猶如蓮華。
不染一切諸罪垢故。菩提心者。猶如大河。流引一切
度攝法故。菩提心者。如大龍王。能雨一切妙法雨故。
疏九臥具下十句。明無相有功用住。

菩提心者。猶如命根。任持菩薩大悲身故。菩提心者。
猶如甘露。能令安住不歿界故。菩提心者。猶如大網。
普攝一切諸眾生故。菩提心者。猶如胃索。攝取一切
所應化故。菩提心者。猶如鉤餌。出有淵中所居者故。
菩提心者。如阿伽陀藥。能令無病永安隱故。菩提心
者。如除毒藥。悉能消歇貪愛毒故。菩提心者。如善持
呪。能除一切顛倒毒故。菩提心者。猶如疾風。能卷一
切諸障霧故。菩提心者。如大寶洲。出生一切覺分寶
故。

疏十命根下十句。明無相無功用住。

菩提心者。如好種性。出生一切白淨法故。菩提心者。猶如住宅。諸功德法所依處故。菩提心者。猶如市肆。菩薩商人貿易處故。菩提心者。如鍊金藥。能治一切煩惱垢故。菩提心者。猶如好蜜。圓滿一切功德味故。菩提心者。猶如正道。令諸菩薩入智城故。菩提心者。猶如好器。能持一切白淨法故。菩提心者。猶如時雨。能滅一切煩惱塵故。菩提心者。則爲住處。一切菩薩所住處故。菩提心者。則爲壽行。不取聲聞解脫果故。疏十一好種性下十句。明無碍解住言壽行者。梵本云。則爲磁石。不吸聲聞解脫果故。

菩提心者。如淨琉璃。自性明潔。無諸垢故。菩提心者。如帝青寶。出過世間。二乘智故。菩提心者。如更漏鼓。覺諸眾生煩惱睡故。菩提心者。如清淨水。性本澄潔。無垢濁故。菩提心者。如閻浮金。映奪一切有爲善故。菩提心者。如大山王。超出一切諸世間故。菩提心者。則爲所歸。不拒一切諸來者故。菩提心者。則爲義利。能除一切衰惱事故。菩提心者。則爲妙寶。能令一切心歡喜故。菩提心者。如大施會。充滿一切衆生心故。菩提心者。則爲尊勝。諸衆生心無與等故。菩提心者。猶如伏藏。能攝一切諸佛法故。菩提心者。如因陀羅。

網能伏煩惱阿修羅故。菩提心者。如婆樓那風。能動一切所應化故。菩提心者。如因陀羅火。能燒一切諸惑習故。菩提心者。如佛支提。一切世間應供養故。

疏十二淨琉璃下十六句。明最上菩薩住。梵本云。因陀羅網。網取煩惱阿修羅故。婆樓那風。此云迅猛風也。其中文義。皆與彼位相應。恐繁不屬。故始於種子。終於惑習。明豎義彰矣。然斷習等。推功歸本。由初發心。則橫具諸德。於理明矣。

善男子。菩提心者。成就如是無量功德。舉要言之。應知悉與一切佛法諸功德等。何以故。因菩提心。出生一切諸菩薩行。三世如來。從菩提心。而出生故。是故善男子。若有發阿耨多羅三藐三菩提心者。則已出生無量功德。普能攝取一切智道。

疏二善男子。下總結。卽功成。由於始。故初心具於諸德。況復初後圓融。

善男子。譬如有人。得無畏藥。離五恐怖。何等爲五。所謂火不能燒。毒不能中。刀不能傷。水不能漂。煙不能熏。菩薩摩訶薩。亦復如是。得一切智菩提心藥。貪火不燒。瞋毒不中。惑刀不傷。有流不漂。諸覺觀煙。不能熏害。善男子。譬如有人。得解脫藥。終無橫難。菩薩摩

訶薩亦復如是。得菩提心解脫智藥。永離一切生歎
橫難。善男子。譬如有人持摩訶應伽藥。毒蛇聞氣卽
皆遠去。菩薩摩訶薩亦復如是。持菩提心大應伽藥。
一切煩惱諸惡毒蛇聞其氣者悉皆散滅。善男子。譬
如有人持無勝藥。一切怨敵無能勝者。菩薩摩訶薩
亦復如是。持菩提心無能勝藥。悉能降伏一切魔軍。
善男子。譬如有人持毘笈摩藥。能令毒箭自然墮落。
菩薩摩訶薩亦復如是。持菩提心毘笈摩藥。令貪恚
癡諸邪見箭自然墮落。善男子。譬如有人持善見藥。
能除一切所有諸病。菩薩摩訶薩亦復如是。持菩提

心善見藥。王悉除一切諸煩惱病。善男子。如有藥樹。
名珊陀那。有取其皮以塗瘡者。瘡卽除愈。然其樹皮
隨取隨生。終不可盡。菩薩摩訶薩從菩提心生。一切
智樹亦復如是。若有得見而生信者。煩惱業瘡悉得
消滅。一切智樹初無所損。

疏第二善男子譬如下一百三句。明菩提心自在
功德。文中各有喻合。說聽之人所見深遠。故所引
喻多非凡境。亦顯不共菩提心故。雖通橫豎。且豎
分五段。初有七句。攝十住德。覺心自性。離惡覺等
故。

善男子。如有藥樹。名無生根。以其力故。增長一切閻浮提樹。菩薩摩訶薩。菩提心樹亦復如是。以其力故。增長一切學。與無學。及諸菩薩。所有善法。善男子。譬如。有藥。名阿藍婆。若用塗身。身之與心。咸有堪能。菩薩摩訶薩。得菩提心。阿藍婆藥亦復如是。令其身心。增長善法。善男子。譬如。有人。得念力藥。凡所聞事。憶持不忘。菩薩摩訶薩。得菩提心。念力妙藥。悉能聞持。一切佛法。皆無忘失。善男子。譬如。有藥。名大蓮華。其有服者。住壽一劫。菩薩摩訶薩。服菩提心。大蓮華藥。亦復如是。於無數劫。壽命自在。善男子。譬如。有人。執

翳形藥。人與非人。悉不能見。菩薩摩訶薩。執菩提心。翳形妙藥。一切諸魔。不能得見。善男子。如海有珠。名普集衆寶。此珠若在。假使劫火。焚燒世間。能令此海。減於一滴。無有是處。菩薩摩訶薩。菩提心珠亦復如是。住於菩薩大願海中。若常憶持。不令退失。能壞菩薩。一善根者。終無是處。若還其心。一切善法。卽皆散滅。善男子。如有摩尼。名大光明。有以此珠。瓔珞身者。映蔽一切寶莊嚴具。所有光明。悉皆不現。菩薩摩訶薩。菩提心寶亦復如是。瓔珞其身。映蔽一切二乘心寶。諸莊嚴具。悉無光采。善男子。如水清珠。能清濁水。

菩薩摩訶薩善提心珠亦復如是。能清一切煩惱垢
濁。善男子。譬如有人得住水寶。繫其身上。入大海中
不爲水害。菩薩摩訶薩亦復如是。得善提心住水妙
寶。入於一切生死海中。終不沉沒。善男子。譬如有人
得龍寶珠。持入龍宮。一切龍蛇不能爲害。菩薩摩訶
薩亦復如是。得善提心大龍寶珠。入欲界中。煩惱龍
蛇不能爲害。

疏二無生根下十喻攝十行德。

善男子。譬如帝釋著摩尼冠。曠蔽一切諸餘天衆。菩
薩摩訶薩亦復如是。著善提心大願寶冠。超過一切

三界衆生。善男子。譬如有人得如意珠。除滅一切貧
窮之罣。菩薩摩訶薩亦復如是。得善提心如意寶珠。
遠離一切邪命怖畏。善男子。譬如有人得日精珠。持
向日光而生於火。菩薩摩訶薩亦復如是。得善提心
智日寶珠。持向智光而生智火。善男子。譬如有人得
月精珠。持向月光而生於水。菩薩摩訶薩亦復如是。
得善提心月精寶珠。持此心珠。鑒迴向光而生一切
善根願水。善男子。譬如龍王首戴如意摩尼寶冠。遠
離一切怨敵怖畏。菩薩摩訶薩亦復如是。著善提心
大悲寶冠。遠離一切惡道諸難。善男子。如有寶珠。名

一切世間莊嚴藏。若有得者。令其所欲悉得充滿。而此寶珠無所損減。菩提心寶亦復如是。若有得者。令其所願悉得滿足。而菩提心無有損減。善男子。如轉輪王有摩尼寶。置於宮中。放大光明。破一切暗。菩薩摩訶薩亦復如是。以菩提心大摩尼寶。往於欲界。放大智光。悉破諸趣。無明黑闇。善男子。譬如帝青大摩尼寶。若有爲此光明所觸。卽同其色。菩薩摩訶薩菩提心寶亦復如是。觀察諸法。迴向善根。靡不卽同菩提心色。善男子。如瑠璃寶。於百千歲處。不淨中。不爲鼻穢之所染著。性本淨故。菩薩摩訶薩菩提心寶亦復如是。於百千劫。在欲界中。不爲欲界過患所染。猶如法界。性清淨故。

疏三帝釋著摩尼下九句。攝十迴向德。

善男子。譬如有寶。名淨光明。悉能映蔽一切寶色。菩薩摩訶薩菩提心寶亦復如是。悉能映蔽一切凡夫二乘功德。善男子。譬如有寶。名爲火焰。悉能除滅一切暗冥。菩薩摩訶薩菩提心寶亦復如是。能滅一切無知暗冥。善男子。譬如海中有無價寶。商人采得。船載入城。諸餘摩尼百千萬種。光色價值無與等者。菩提心寶亦復如是。在於生滅大海之中。菩薩摩訶薩

乘大願船。深心相續。載之來入解脫城中。二乘功德無能及者。善男子。如有寶珠。名自在王。處閻浮洲。去日月輪四萬由旬。日月宮中所有莊嚴。其珠影現。悉皆具足。菩薩摩訶薩發菩提心。淨功德寶。亦復如是。任生人中。照法界空。佛智日月。一切功德。悉於中現。疏四有寶名淨光明。下六十喻。攝十地德。卽分爲十。初四攝初地德。

善男子。如有寶珠。名自在王。日月光明所照之處。一切財寶衣服等物。所有價直。悉不能及。菩薩摩訶薩發菩提心。自在王寶。亦復如是。一切智光所照之處。三世所有天人。二乘漏無漏善。一切功德。皆不能及。善男子。海中有寶。名曰海藏。普現海中。諸莊嚴事。菩薩摩訶薩發菩提心。寶亦復如是。普能顯現一切智海。諸莊嚴事。善男子。譬如天上閻浮檀金。唯除心王大摩尼寶。餘無及者。菩薩摩訶薩發菩提心。閻浮檀金亦復如是。除一切智心王大寶。餘無及者。

疏二如自在王。下三喻。攝二地德。持戒頭陀等淨功德故。

善男子。譬如有人。善調龍法。於諸龍中。而得自在。菩薩摩訶薩亦復如是。得菩提心。善調龍法。於諸一切

煩惱龍中而得自在。善男子。譬如勇士。被執鎧仗。一切怨敵。無能降伏。菩薩摩訶薩。亦復如是。被執菩提大心鎧仗。一切業惑。諸惡怨敵。無能屈伏。善男子。譬如天上黑梅檀香。若燒一鉢。其香普熏。小千世界。三千世界。滿中珍寶。所有價直。皆不能及。菩薩摩訶薩。菩提心香。亦復如是。一念功德。普熏法界。聲聞緣覺。一切功德。皆所不及。善男子。如白栴檀。若以塗身。悉能除滅。一切熱惱。令其身心。普得清涼。菩薩摩訶薩。菩提心香。亦復如是。能除一切虛妄。分別貪恚癡等。諸惑熱惱。令其具足智慧清涼。

疏三善調龍法下四喻攝三地德。入諸禪定離惑熱等故。

善男子。如須彌山。若有近者。卽同其色。菩薩摩訶薩。菩提心山。亦復如是。若有近者。悉得同其一切智色。善男子。譬如波利質多羅樹。其皮香氣。闍浮提中。若波師迦。若摩訶迦。若蘇摩那。如是等華。所有香氣。皆不能及。菩薩摩訶薩。菩提心樹。亦復如是。所發大願功德之香。一切二乘。無漏戒定智慧。解脫解脫。知見諸功德。香。悉不能及。善男子。譬如波利質多羅樹。雖未開華。應知卽是無量諸華。出生之處。菩薩摩訶薩。

撰述
華嚴疏鈔卷之十八
三
菩提心樹亦復如是。雖未開發一切智華。應知卽是無數天人衆菩提華所生之處。善男子。譬如波利質多羅華。一日熏衣。蘆蔔迦華。婆利師華。蘇摩那華。雖千歲熏。亦不能及。菩薩摩訶薩。菩提心華。亦復如是。一生所熏諸功德香。普徼十方一切佛所。一切二乘。無漏功德。百千劫熏。所不能及。

疏四須彌山下四喻攝四地德。同一切智焰。得無漏故。

善男子。如海島中生椰子樹。根莖枝葉。及以華果。一切衆生恒取受用。無時暫歇。菩薩摩訶薩。菩提心樹。亦復如是。始從發起悲願之心。乃至成佛。正法住世。常時利益一切世間。無有間歇。善男子。如有藥汁。各訶宅迦。人或得之。以其一兩。變千兩。銅悉成真金。非千兩銅能變此藥。菩薩摩訶薩。亦復如是。以菩提心。迴向智藥。普變一切業惑等法。悉使成於一切智相。非業惑等能變其心。善男子。譬如小火。隨所焚燒。其燄轉熾。菩薩摩訶薩。菩提心火。亦復如是。隨所攀緣。智燄增長。善男子。譬如一燈。然百千燈。其本一燈。無減。無盡。菩薩摩訶薩。菩提心燈。亦復如是。普然三世。諸佛智燈。無減無盡。

疏五柳子樹下四輪攝五地德利人不染俗故。

善男子。譬如一燈入於闇室。百千年闇悉能破盡。菩薩摩訶薩。菩提心燈亦復如是。入於衆生心室之內。百千萬億不可說劫。諸業煩惱種種暗障。悉能除盡。善男子。譬如燈炷隨其大小而發光明。若益膏油。明終不絕。菩薩摩訶薩。菩提心燈亦復如是。大願爲炷。光照法界。益大悲油。教化衆生。莊嚴國土。施作佛事。無有休息。善男子。譬如他化自在天王。冠閻浮檀真金天冠。欲界天子。諸莊嚴具皆不能及。菩薩摩訶薩亦復如是。冠菩提心大願天冠。一切凡夫二乘功德

皆不能及。善男子。如師子王哮吼之時。師子兒聞皆增勇健。餘獸聞之。卽皆竄伏。佛師子王菩提心吼。應知亦爾。諸菩薩聞增長功德。有所得者。聞皆退散。善男子。譬如有人以師子筋而爲樂弦。其音旣奏。餘絃悉絕。菩薩摩訶薩亦復如是。以如來師子波羅蜜身。菩提心筋爲法樂絃。其音旣奏。一切五欲及以二乘諸功德。絃悉皆斷滅。善男子。譬如有人以牛羊等種種諸乳。假使積集盈於大海。以師子乳一滴投中。悉令變壞。直過無礙。菩薩摩訶薩亦復如是。以如來師子菩提心乳。著無量劫業煩惱乳大海之中。悉令壞

滅直過無礙。終不住於二乘解脫。

疏六一燈下六喻。攝六地德。般若現前。頓破闇故。善男子。譬如迦陵頻伽鳥。在卵殼中。有大勢力。一切諸鳥所不能及。菩薩摩訶薩亦復如是。於生成就發菩提心。所有大悲功德勢力。聲聞緣覺無能及者。善男子。如金翅鳥王子。初始生時。目則明利。飛則勁捷。一切諸鳥。雖久成長。無能及者。菩薩摩訶薩亦復如是。發菩提心。爲佛王子。智慧清淨。大悲勇猛。一切二乘。雖百千劫久修道。行所不能及。善男子。如有壯夫。手執利矛。刺堅密甲。直過無礙。菩薩摩訶薩亦復如

是。執菩提心。銛利快矛。刺諸邪見。隨眠密甲。悉能穿徹。無有障礙。善男子。譬如摩訶那伽。大力勇士。若奮威怒。於其額上。必生瘡疱。瘡若未合。閻浮提中。一切人民。無能制伏。菩薩摩訶薩亦復如是。若起大悲。必定發於菩提之心。心未捨來。一切世間魔及魔民。不能爲害。善男子。譬如射師。有諸弟子。雖未慣習。其師技藝。然其智慧。方便善巧。餘一切人所不能及。菩薩摩訶薩。初始發心。亦復如是。雖未慣習。一切智行。然其所有願智解欲。一切世間。凡夫二乘。悉不能及。

疏七迦陵頻伽下五句。攝七地德。善入方便。得自

博迦
在故。

善男子。如人學射。先安其足。後習其法。菩薩摩訶薩亦復如是。欲學如來一切智道。先當安住菩提之心。然後修行一切佛法。善男子。譬如幻師。將作幻事。先當起憶持幻法。然後所作悉得成就。菩薩摩訶薩亦復如是。將起一切諸佛菩薩神通幻事。先當起意發菩提心。然後一切悉得成就。善男子。譬如幻術。無色現色。菩薩摩訶薩菩提心相亦復如是。雖無有色不可覩見。然能普於十方世界。示現種種功德莊嚴。善男子。譬如狐狸。纔見於鼠。鼠卽入穴。不敢復出。菩薩摩訶薩發菩提心亦復如是。暫以慧眼觀諸惑業。皆卽竄匿。不復出生。善男子。譬如有人。著閻浮金莊嚴之具。映蔽一切。皆如聚墨。菩薩摩訶薩亦復如是。著菩提心莊嚴之具。映蔽一切。凡夫二乘功德莊嚴。悉無光色。善男子。如好磁石。少分之力。卽能吸壞諸鐵。鉤鎖菩薩摩訶薩發菩提心亦復如是。若起一念。悉能壞滅一切見欲無明。鉤鎖善男子。如有磁石。鐵若見之。卽皆散去。無畱住者。菩薩摩訶薩發菩提心亦復如是。諸業煩惱。二乘解脫。若暫見之。卽皆散滅。亦無住者。善男子。譬如有人。善入大海。一切水族無

十支那
華嚴疏少卷七十八
三

撰述
華嚴疏鈔卷之十八
三
能爲害假使入於摩竭魚口亦不爲彼之所吞噬菩薩摩訶薩亦復如是發菩提心入生死海諸業煩惱不能爲害假使入於聲聞緣覺實際法中亦不爲其之所留難善男子譬如有人飲甘露漿一切諸物不能爲害菩薩摩訶薩亦復如是飲菩提心甘露法漿不墮聲聞辟支佛地以具廣大悲願力故善男子譬如有人得安繕那藥以塗其目雖行人間人所不見菩薩摩訶薩亦復如是得菩提心安繕那藥能以方便入魔境界一切衆魔所不能及善男子譬如有人依附於王不畏餘人菩薩摩訶薩亦復如是依菩提

心大勢力王不畏障蓋惡道之難善男子譬如有人住於水中不畏火焚菩薩摩訶薩亦復如是住菩提心善根水中不畏二乘解脫智火善男子譬如有人依倚猛將卽不怖畏一切怨敵菩薩摩訶薩亦復如是依菩提心勇猛大將不畏一切惡行怨敵善男子如釋天王執金剛杵摧伏一切阿修羅衆菩薩摩訶薩亦復如是持菩提心金剛之杵摧伏一切諸魔外道。

疏八如人學射下十四喻攝八地德無功發心能滅相惑等故

善男子。譬如有人服延齡藥。長得充健。不老不瘦。菩薩摩訶薩亦復如是。服菩提心延齡之藥。於無數劫。修菩薩行。心無疲狀。亦無染著。善男子。譬如有人調和藥汁。必當先取好清淨水。菩薩摩訶薩亦復如是。欲修菩薩一切行願。先當發起菩提之心。善男子。如人護身。先護命根。菩薩摩訶薩亦復如是。護持佛法。亦當先護菩提之心。善男子。譬如有人命根若斷。不能利益父母宗親。菩薩摩訶薩亦復如是。捨菩提心。不能利益一切衆生。不能成就諸佛功德。善男子。譬如大海無能壞者。菩提心海亦復如是。諸業煩惱二

乘之心。所不能壞。善男子。譬如日光。星宿光明。不能映蔽。菩提心日亦復如是。一切二乘無漏智光。所不能蔽。善男子。如王子初生。卽爲大臣之所尊重。以種性自在。故菩薩摩訶薩亦復如是。於佛法中發菩提心。卽爲耆宿久修梵行。聲聞緣覺所共尊重。以大悲自在。故善男子。譬如王子。年雖幼稚。一切大臣皆悉敬禮。菩薩摩訶薩亦復如是。雖初發心修菩薩行。二乘耆舊皆應敬禮。善男子。譬如王子。雖於一切臣佐之中。未得自在。已具王相。不與一切諸臣佐等。以生處尊勝。故菩薩摩訶薩亦復如是。雖於一切業煩惱

撰述
重廣疏鈔卷之十一
中未得自在。然已具足菩提之相。不與一切二乘齊等。以種性第一。故善男子。譬如清淨摩尼妙寶。眼有翳。故見爲不淨。菩薩摩訶薩。菩提心寶亦復如是。無智不信。謂爲不淨。

疏九服延齡藥。下十喻攝九地德。延壽益生等。故善男子。譬如藥爲呪所持。若有衆生見聞同住。一切諸病皆得消滅。菩薩摩訶薩。菩提心藥亦復如是。一切善根智慧方便。菩薩願智共所攝持。若有衆生見聞同住。憶念之者。諸煩惱病悉得除滅。善男子。譬如有人常持甘露。其身畢竟不變不壞。菩薩摩訶薩亦復如是。若常憶持菩提心甘露。令願智身畢竟不壞。善男子。如機關木人。若無有機。身即離散。不能運動。菩薩摩訶薩亦復如是。無菩提心。行即分散。不能成就。一切佛法善男子。如轉輪王有沉香寶。名曰象藏。若燒此香。王四種兵悉騰虛空。菩薩摩訶薩。菩提心香亦復如是。若發此意。即令菩薩一切善根。永出三界。行如來智。無爲空中。善男子。譬如金剛。唯從金剛處及金處生。非餘寶處生。菩薩摩訶薩。菩提心金剛亦復如是。唯從大悲救護衆生金剛處。一切智智殊勝境界金處而生。非餘衆生善根處生。善男子。譬

撰述
聖嚴正金卷之十一
三
如有樹名曰無根。不從根生而枝葉華果悉皆繁茂。菩薩摩訶薩。菩提心樹亦復如是。無根可得而能長養一切智智神通大願。枝葉華果。扶疎蔭暎。普覆世間。

疏譬如藥爲呪所持。下六喻攝十地德。深除惑習。成一切佛法故。

善男子。譬如金剛。非劣惡器。及以破器所能容持。唯除全具上妙之器。菩提心金剛亦復如是。非下劣衆生。慳嫉破戒。懈怠妄念。無智器中所能容持。亦非退失殊勝志願。散亂惡覺衆生器中所能容持。唯除菩

薩深心寶器。善男子。譬如金剛。能穿衆寶。菩提心金剛亦復如是。悉能穿徹一切法寶。善男子。譬如金剛。能壞衆山。菩提心金剛亦復如是。悉能摧壞諸邪見山。善男子。譬如金剛。雖破不全。一切衆寶猶不能及。菩提心金剛亦復如是。雖復志劣。少有虧損。猶勝一切二乘功德。善男子。譬如金剛。雖有損缺。猶能除滅一切貧窮。菩提心金剛亦復如是。雖有損缺。不進諸行。猶能捨離一切生歎。善男子。如少金剛。悉能破壞一切諸物。菩提心金剛亦復如是。入少境界。卽破一切無知諸惑。善男子。譬如金剛。非凡人所得。菩提心

金剛亦復如是。非劣意衆生之所能得。善男子。譬如金剛。不識寶人。不知其能。不得其用。菩提心。金剛亦復如是。不知法人。不了其能。不得其用。善男子。譬如金剛。無能消滅。菩提心。金剛亦復如是。一切諸法。無能消滅。善男子。如金剛杵。諸大力人。皆不能持。唯除有大那羅延力。菩提之心。亦復如是。一切二乘。皆不能持。唯除菩薩廣大。因緣堅固。善力。善男子。譬如金剛。一切諸物。無能壞者。而能普壞一切諸物。然其體性。無所損滅。菩提之心。亦復如是。普於三世。無數劫中。教化衆生。修行苦行。聲聞緣覺。所不能者。咸能作

之。然其畢竟。無有疲厭。亦無損壞。善男子。譬如金剛。餘不能持。唯金剛地之所能持。菩提之心。亦復如是。聲聞緣覺。皆不能持。唯除趣向薩婆若者。善男子。如金剛器。無有瑕缺。用盛於水。永不滲漏。而入於地。菩提心。金剛器亦復如是。盛善根水。永不滲漏。令人諸趣。善男子。如金剛際。能持大地。不令墜沒。菩提之心。亦復如是。能持菩薩一切行願。不令墜沒。入於三界。善男子。譬如金剛。久處水中。不爛不濕。菩提之心。亦復如是。於一切劫處。在生滅業惑水中。無壞無變。善男子。譬如金剛。一切諸火。不能燒然。不能令熱。菩提

撰述
聖嚴疏鈔卷之十八
三
之心亦復如是。一切生處諸煩惱火不能燒然。不能令熱。善男子。譬如三千世界之中。金剛座上能持諸佛坐於道場。降伏諸魔。成等正覺。非是餘座之所能持。菩提心座亦復如是。能持菩薩一切願行。諸波羅蜜。諸忍諸地。迴向受記。修習菩提助道之法。供養諸佛。聞法受行。一切餘心所不能持。

疏五。金剛非劣惡器。下十七喻。攝等覺位功德。以金剛智者。既始從種性。終至金剛。菩提之智。豈配理明。初心頓具。諸位功德。正順經宗。故毘盧遮那

品云。一切功德皆在最初菩提心中住。卽其義也。又後一百三句自在德中。若唯配十地。亦可束之。十住爲初地。十行爲二地。十向爲三地。初二三地並爲四地。四五爲五地。後五依前如次判之。亦順本文。恐繁不配。其中行相。其間梵語者。恐繁。故指疏中隨難已釋其二。謂毘芻摩。婆樓那。餘未釋者。今當具之。大應伽者。應伽云身。然身有四名。一曰迦耶。二曰設理羅。三曰第訶。四曰應伽。然應伽又云分。謂支分也。次云樹名。珊陀那者。此云和合。或云續斷。謂此藥能令已斷傷者再續和合也。阿藍

婆者。此云藥汁。其藥出香山及雪山中。天生在於石曰之內。或云得喜。謂得此藥生歡喜故。四須彌下四地德中。波利質多羅樹。波利此云徧也。亦曰周。質多羅。云間錯莊嚴也。言此樹衆雜色華。周帀嚴飾。或曰圓妙莊嚴。次云婆師迦華。具云婆利史迦。言婆利史者。此云雨也。迦謂迦羅。此云時也。雨時生故。瞻葡迦華。此云黃色華。其華有香氣。而形似梔子華也。蘇摩那華。此云悅意華。其華形色俱媚。今見者心悅。故五柳子下明五地德。訶宅迦。此云金色水。甚於九轉還丹之力也。七迦陵頻伽。

鳥前已釋竟。此云美音。或曰妙聲。此鳥本出雪山。在聲能鳴。其音和雅。聽者無厭。摩訶那伽。此云大龍。亦云大象。今此力士。力如龍象。八如人下八地德中。摩竭魚者。此云大體。卽是此方巨鼈之類。兩目如日。張口如暗谷。能吞大舟。凡出噴流。卽如潮上。喻水如壑。高下如山。大者可長二百餘里。安繕那。青色藥。

善男子。菩提心者。成就如是無量無邊。乃至不可說不可說殊勝功德。若有衆生。發阿耨多羅三藐三菩提心。則獲如是勝功德法。是故善男子。汝獲善利。汝

發阿耨多羅三藐三菩提心求菩薩行已得如是大功德故。

疏第四善男子菩提心者下結釋所屬謂上來多德釋獲善利之言故。

善男子如汝所問菩薩云何學菩薩行修菩薩道善男子汝可入此毘盧遮那莊嚴藏大樓閣中周徧觀察則能了知學菩薩行學已成就無量功德。

疏第二善男子如汝所問下正授法界於中四一授法體二顯法名三窮嚴因之本源四覈正報之性相故初中四一攝入方便二加令證入三見所

證境四事訖起定初中先牒問勸證。

綜理疏鈔刺場劖劓弟子楊華幸遇

華嚴希有之法深惟宿生所植之緣願捨工價五兩

二錢刺此第七十八卷所冀生生值佛世世聞經種性轉淨壽曆增綿者。

大方廣佛華嚴經疏鈔卷第七十八 畢

大方廣佛華嚴經疏鈔卷第七十九

于闐國三藏沙門實叉難陀 譯

清涼山大華嚴寺沙門澄觀撰述

入法界品第三十九之二

爾時善財童子恭敬右繞彌勒菩薩摩訶薩已而白
之言唯願大聖開樓閣門令我得入。

疏後爾時善財下求證方便。

時彌勒菩薩前詣樓閣彈指出聲其門卽開命善財
入善財心喜入已還閉。

疏第二爾時彌勒下加令證入先約緣加令其就

法。亾言會旨。則佛法門閉。故云前詣等。卽開理智門。示令其悟入也。後善財心喜下。約因自證。悟佛知見。則入法界。從迷之悟。加行趣入。有門理之殊證。已契合。能所兩亾。卽妄而真。更無入處。故云還閉。

見其樓閣廣博無量。同於虛空。阿僧祇寶以爲其地。阿僧祇宮殿。阿僧祇門闥。阿僧祇窻牖。阿僧祇階陛。阿僧祇欄楯。阿僧祇道路。皆七寶成。阿僧祇幡。阿僧祇幢。阿僧祇蓋。周廻間列。阿僧祇衆寶瓔珞。阿僧祇真珠瓔珞。阿僧祇赤真珠瓔珞。阿僧祇師子珠瓔珞。

處處垂下。阿僧祇半月。阿僧祇繒帶。阿僧祇寶網。以爲嚴飾。阿僧祇寶鐸。風動成音。散阿僧祇天諸雜華。懸阿僧祇天寶鬘帶。嚴阿僧祇衆寶香爐。雨阿僧祇細末金屑。懸阿僧祇寶鏡。然阿僧祇寶燈。布阿僧祇寶衣。列阿僧祇寶帳。設阿僧祇寶座。阿僧祇寶繒。以敷座上。阿僧祇閻浮檀金童女像。阿僧祇雜寶諸形像。阿僧祇妙寶菩薩像。處處充徧。阿僧祇衆鳥出和雅音。阿僧祇寶優鉢羅花。阿僧祇寶波頭摩華。阿僧祇寶拘物頭華。阿僧祇寶芬陀利華。以爲莊嚴。阿僧祇寶樹次第行列。阿僧祇摩尼寶放大光明。如是等

無量阿僧祇諸莊嚴具以爲莊嚴。又見其中有無量百千諸妙樓閣。一一嚴飾。悉如上說。廣博嚴麗。皆同虛空。不相障碍。亦無雜亂。善財童子於一處中見一切處。一切諸處。悉如是見。爾時善財童子見毘盧遮那莊嚴藏樓閣如是種種不可思議自在境界。生大歡喜。踴躍無量。身心柔軟。離一切想。除一切障。滅一切惑。所見不忘。所聞能憶。所思不亂。入於無碍解脫之門。普運其心。普見一切。普申敬禮。

疏第三見其樓閣下。明見所證境。於中二先別明所見。後總顯見相。前中六一見依報。二見正報。三見伴菩薩。四見諸佛。五見閣中主閣。六總見嚴具作用。然此六皆是悲智之中所有。鈔然此等閣表悲智故。

疏今初先見後益。前中三一。直見一重莊嚴。有標列結。同虛空者。稱法性故。次又見其中下。依中有依。一中見多。卽微細門。亦主伴門。後善財童子下一處見多。卽相在門。二爾時下明得益。

纒始稽首。以彌勒菩薩威神之力。自見其身徧在一切諸樓閣中。具見種種不可思議自在境界。所謂或見彌勒菩薩初發無上菩提心時如是名字如是種

撰述
垂廣願鏡卷之十九
三
族如是善友之所開悟令其種植如是善根住如是
壽在如是劫值如是佛處於如是莊嚴刹土修如是
行發如是願彼諸如來如是衆會如是壽命經爾許
時親近供養悉皆明見或見彌勒最初證得慈心三
昧從是已來號爲慈氏或見彌勒修諸妙行成滿一
切諸波羅蜜或見得忍或見住地或見成就清淨國
土或見護持如來正教爲大法師得無生忍某時某
處某如來所受於無上菩提之記或見彌勒爲轉輪
王勸諸衆生住十善道或爲護世饒益衆生或爲釋
天訶責五欲或爲猒摩天王讚不放逸或爲兜率天

王稱歎一生菩薩功德或爲化樂天王爲諸天衆現
諸菩薩變化莊嚴或爲他化自在天王爲諸天衆演
說一切諸佛之法或作魔王說一切法皆悉無常或
爲梵王說諸禪定無量喜樂或爲阿修羅王入大智
海了法如幻爲其衆會常演說法斷除一切憍慢醉
傲或復見其處閻浮界放大光明救地獄苦或見在
於餓鬼之處施諸飲食濟彼饑渴或見在於畜生之
道種種方便調伏衆生或復見爲護世天王衆會說
法或復見爲忉利天王衆會說法或復見爲猒摩天
王衆會說法或復見爲兜率天王衆會說法或復見

標述
華嚴疏鈔卷之十九
四
爲化樂天王衆會說法或復見爲他化自在天王衆會說法或復見爲大梵王衆會說法或復見爲龍王衆會說法或復見爲夜叉羅刹王衆會說法或復見爲乾闥婆緊那羅王衆會說法或復見爲阿修羅陀那婆王衆會說法或復見爲迦樓羅摩睺羅伽王衆會說法或復見爲其餘一切人非人等衆會說法或復見爲聲聞衆會說法或復見爲緣覺衆會說法或復見爲初發心乃至一生所繫已灌頂者諸菩薩衆而演說法或見讚說初地乃至十地所有功德或見讚說滿足一切諸波羅密或見讚說入諸忍門或見

讚說諸大三昧門或見讚說甚深解脫門或見讚說諸禪三昧神通境界或見讚說諸菩薩行或見讚說諸大誓願或見與諸同行菩薩讚說世間資生工巧種種方便利衆生事或見與諸一生菩薩讚說一切佛灌頂門或見彌勒於百千年經行讀誦書寫經卷勤求觀察爲衆說法或入諸禪四無量心或入徧處及諸解脫或入三昧以方便力現諸神變

疏第二纔始稽首下見正報中二先總標所謂下別顯於中五一見初發心時二或見彌勒最初證得慈心下見其修行得法三或見彌勒爲轉輪下

隨類攝生時。四或復見爲護世下。見處會說法。於中先明所處會殊。或見讚說初地下。顯所說之法。五或見彌勒於百千下。總見行用。

或見諸菩薩入變化三昧各於其身一一毛孔出於一切變化身雲。或見出天衆身雲。或見出龍衆身雲。或見出夜叉乾闥婆緊那羅阿修羅迦樓羅摩睺羅伽釋梵護世轉輪聖王小王王子大臣官屬長者居士身雲。或見出聲聞緣覺及諸菩薩如來身雲。或見出一切衆生身雲。或見出妙音讚諸菩薩種種法門。所謂讚說菩提心功德門。讚說檀波羅蜜乃至智波

羅蜜功德門。讚說諸攝諸禪諸無量心及諸三昧三摩鉢底諸通諸明總持辨才諸諦諸智止觀解脫諸緣諸依諸說法門。讚說念處正勤神足根力七菩提分八聖道分諸聲聞乘諸獨覺乘諸菩薩乘諸地諸忍諸行諸願如是等一切諸功德門。

疏第三或見諸菩薩下。明見伴菩薩身雲演法。卽前與無量眷屬。

或復於中見諸如來大衆圍繞。亦見其佛生處種性身形壽命剎劫各號說法利益教住久近乃至所有道場衆會種種不同悉皆明見。

撰述
華嚴疏鈔卷之十
九
疏第四或復於中見諸如來下。明見諸佛攝化之德。

又復於彼莊嚴藏內諸閣樓中。見一樓閣高廣嚴飾。最上無比。於中悉見三千世界百億四天下百億梵率陀天。一一皆有彌勒菩薩降神誕生釋梵天王。捧持頂戴游行七步。觀察十方。大師子吼現爲童子。居處宮殿遊戲園苑。爲一切智出家苦行。示受乳糜。往詣道場降伏諸魔。成等正覺。觀菩提樹。梵王勸請轉正法輪。升天宮殿而演說法。劫數壽量衆會莊嚴。所淨國土所修行願教化成熟衆生方便。分布舍利。住

持教法皆悉不同。爾時善財自見其身。在彼一切諸如來所。亦見於彼一切衆會一切佛事。憶持不忘。通達無碍。

疏第五又復於彼下。見閣中主閣。別明慈氏一生當作。於中先見。後爾時下得益可知。

復聞一切諸樓閣內寶網鈴鐸及諸樂器皆悉演暢。不可思議微妙法音。說種種法。所謂或說菩薩發菩提心。或說修行波羅蜜行。或說諸願。或說諸地。或說恭敬供養如來。或說莊嚴諸佛國土。或說諸佛說法差別。如上所說一切佛法。悉聞其音。敷暢辨了。又聞

樂遊 華嚴經卷第十九
某處有某菩薩聞某法門。某善知識之所勸導發菩提心。於某劫某刹某如來所某大衆中聞於某佛如是功德。發如是心。起如是願。種於如是廣大善根。經若干劫修菩薩行。於爾許時當成正覺。如是名彌如是壽量。如是國土。具足莊嚴。滿如是願。化如是衆。如是聲聞菩薩衆會般涅槃後。正法住世。經爾許劫。利益如是無量衆生。或聞某處有某菩薩布施持戒。忍辱精進。禪定智慧修習。如是諸波羅蜜。或聞某處有某菩薩爲求法。故棄捨王位及諸珍寶。妻子眷屬手足頭目。一切身分。皆無所惜。或聞某處有某菩薩守

護如來所說正法。爲大法師。廣行法施。建法幢。吹法蠡。擊法鼓。雨法雨。造佛塔廟。作佛形像。施諸衆生一切樂具。或聞某處有某如來於某劫中成等正覺。如是國土。如是衆會。如是壽命。說如是法。滿如是願。教化如是無量衆生。善財童子聞如是等不可思議微妙法音。身心歡喜。柔軟悅懌。卽得無量諸總持門。諸辨才門。諸禪諸忍。諸願諸度。諸通諸明。及諸解脫。諸三昧門。又見一切諸寶鏡中種種形像。所謂或見諸佛衆會道場。或見菩薩衆會道場。或見聲聞衆會道場。或見緣覺衆會道場。或見淨世界。或見不淨世界。

或見淨不淨世界。或見不淨淨世界。或見有佛世界。或見無佛世界。或見小世界。或見中世界。或見大世界。或見因陀羅網世界。或見覆世界。或見仰世界。或見平坦世界。或見地獄畜生餓鬼所住世界。或見天人充滿世界。於如是等諸世界中。見有無數大菩薩。衆或行或坐。作諸事業。或起大悲憐愍衆生。或造諸論利益世間。或受或持。或書或誦。或問或答。三時懺悔。廻向發願。又見一切諸寶柱中。放摩尼王大光明網。或青或黃。或赤或白。或玻瓈色。或水精色。或帝青色。或虹蜺色。或閻浮檀金色。或作一切諸光明色。又

見彼閻浮檀金童女及衆寶像。或以其手而執華雲。或執衣雲。或執幢幡。或執鬘蓋。或持種種塗香末香。或持上妙摩尼寶網。或垂金鎖。或挂纓絡。或舉其臂。捧莊嚴具。或低其首。垂摩尼冠。躬瞻仰目。不暫捨。又見彼真珠瓔珞。常出香水具。八功德璫。琉璃瓔珞。百千光明。同時照耀。幢幡網蓋。如是等物。一切皆以衆寶莊嚴。又復見彼優鉢羅華。波頭摩華。拘物頭華。芬陀利華。各各生於無量諸華。或大一手。或長一肘。或復縱廣。猶如車輪。一一華中。皆悉示現種種色像。以爲嚴飾。所謂男色像。女色像。童男色像。童女色像。釋

栴護世天龍夜叉乾闥婆阿修羅迦樓羅緊那羅摩
睺羅伽聲聞緣覺及諸菩薩如是一切衆生色像皆
悉合掌曲躬禮敬亦見如來結跏趺坐三十二相莊
嚴其身又復見彼淨瑠璃地一步間現不思議種
種色像所謂世界色像菩薩色像如來色像及諸樓
閣莊嚴色像又於寶樹枝葉華果一一事中悉見種
種半身色像所謂佛半身色像菩薩半身色像天龍
夜叉乃至護世轉輪聖王小王王子大臣官長及以
四衆半身色像其諸色像或執華鬘或執瓔珞或持
一切諸莊嚴具或有曲躬合掌禮敬一心瞻仰目不

暫捨或有讚歎或入三昧其身悉以相好莊嚴普放
種種諸色光明所謂金色光明銀色光明珊瑚色光
明梵沙羅色光明帝青色光明毘盧遮那寶色光明
一切衆寶色光明瞻波迦華色光明又見諸樓閣半
月像中出阿僧祇日月星宿種種光明普照十方又
見諸樓閣周迴四壁一步內一切衆寶以爲莊嚴
一一寶中皆現彌勒曩劫修行菩薩道時或施頭目
或施手足脣舌牙齒耳鼻血肉皮膚骨髓乃至爪髮
如是一切悉皆能捨妻妾男女城邑聚落國土王位
隨其所須盡皆施與處牢獄者令得出離被繫縛者

使其解脫有疾病者爲其救療。入邪徑者示其正道。或爲船師。令度大海。或爲馬王。救護惡難。或爲大仙。善說諸論。或爲輪王。勸修十善。或爲醫王。善療衆病。或孝順父母。或親近善友。或作聲聞。或作緣覺。或作菩薩。或作如來。教化調伏一切衆生。或爲法師。奉行佛教。受持讀誦。如理思惟。立佛支提。作佛形像。若自供養。若勸於他。塗香散華。恭敬禮拜。如是等事。相續不絕。或見坐於師子之座。廣演說法。勸諸衆生。安住十善。一心歸向佛法。僧寶。受持五戒。及八齋戒。出家聽法。受持讀誦。如理修行。乃至見於彌勒菩薩。百千億那由他阿僧祇劫。修行諸度。一切色相。又見彌勒。曾所承事。諸善知識。悉以一切功德莊嚴。亦見彌勒。在彼一一善知識所。親近供養。受行其教。乃至住於灌頂之地。時諸知識。告善財。言善來童子。汝觀此菩薩。不思議事。莫生疲厭。

疏第六復聞一切下。見聞嚴具作用於中十段。一聞網等演法於中三。一近聞次。又聞某處下遠聞。後善財下得益。二見寶鏡作用。三見寶柱放光。四見寶像威儀。五見瓔珞等出生。六蓮華重現。七寶地現相。八樹見半身。兜沙羅者。此云霜水。九半月。

現光十壁現本事於中初見慈氏修行隨類攝生
後又見下觀所事友勸喻善財。

爾時善財童子得不忘失憶念力故得見十方清淨
眼故得善觀察無碍智故得諸菩薩自在智故得諸
菩薩已入智地廣大解故於一切樓閣一一物中悉
見如是及於無量不可思議自在境界諸莊嚴事。

疏二爾時善財下總顯見相先法後喻今初謂何
力能見以何眼見將何智見依何位見於何處見
如經屬之及結前來所不說境。

譬如有人於睡夢中見種種物所謂城邑聚落宮殿

園苑山林河池衣服飲食乃至一切資生之具或見
自身父母兄弟內外親屬或見大海須彌山王乃至
一切諸天宮殿閻浮提等四天下事或見其身形量
廣大百千由旬房舍衣服悉皆相稱謂於晝日經無
量時不眠不寢受諸安樂從睡覺已乃知是夢而能
明記所見之事善財童子亦復如是以彌勒菩薩力
所持故知三界法皆如夢故滅諸衆生狹劣想故得
無障碍廣大解故住諸菩薩勝境界故入不思議方
便智故能見如是自在境界譬如有人將欲命終見
隨其業所受報相行惡業者見於地獄畜生餓鬼所

有一切衆苦境界。或見獄卒手持兵仗。或瞋或罵。囚執將去。亦聞彌叫悲歎之聲。或見灰河。或見鑊湯。或見刀山。或見劍樹。種種逼迫。受諸苦惱。作善業者。卽見一切諸天宮殿。無量天衆。天諸彩女。種種衣服。具足莊嚴。宮殿園林。盡皆妙好。身雖未成。而由業力。見如是事。善財童子亦復如是。以菩薩業不思議力。得見一切莊嚴境界。譬如有人爲鬼所持。見種種事。隨其所問。悉皆能答。善財童子亦復如是。菩薩智慧之所持。故見彼一切諸莊嚴事。若有問者。靡不能答。譬如有人爲龍所持。自謂是龍。入於龍宮。於少時間。自

謂已經日月年載。善財童子亦復如是。以任菩薩智慧。想故。彌勒菩薩所加持。故於少時間。謂無量劫。譬如梵宮。名莊嚴藏。於中悉見三千世界一切諸物。不相雜亂。善財童子亦復如是。於樓觀中。普見一切莊嚴境界。種種差別。不相雜亂。譬如比丘入徧處定。若行若住。若坐若臥。隨所入定境界。現前善財童子亦復如是。入於樓觀。一切境界。悉皆明了。譬如有人於虛空中。見乾闥婆城。具足莊嚴。悉分別知。無有障礙。譬如夜叉宮殿。與人宮殿。同在一處。而不相雜。各隨其業所見不同。譬如大海。於中悉見三千世界一切

色像譬如幻師以幻力故現諸幻事種種作業善財童子亦復如是以彌勒菩薩威神力故及不思議幻智力故能以幻智知諸法故得諸菩薩自在力故見樓閣中一切莊嚴自在境界。

疏後譬如下。喻顯見相。所以有十喻者。所喻別故。然有二意。一喻能見因緣不同故。二喻所見境相別故。且初意者。十中初一總喻。能見所見皆如夢事。大小無碍等。如喻合文。尋之餘九皆別。二喻自因力。隨自業故。凡命將終故。三四並喻緣力。龍鬼所持故。然鬼持自他不同。龍持自他同體。五喻友

依報力。六是定力。七喻性空。八喻法界自在力。九喻智定無二力。大智海印之三昧故。十幻智自在力。二約所喻境相別者。亦初總餘別。別中一臨終現業。喻喻所見冥應。二非人所持。喻喻所見能說。三龍宮。淹久喻。喻念劫圓融。四梵宮。廣現。喻喻一多無碍。五徧處定境。喻喻所見明了。六乾城。依空喻。喻事理無碍。七同處異見。喻喻隱顯自在。八海現三千。喻。喻頓現遠近。九幻現衆多。喻。喻所見純雜無碍。鈔六乾城。依空喻。然十喻中。前六有合。七八九無。至第十幻中。一時總合。從後倒合。初

以彌勒菩薩威神故合於幻師二及不思議幻智
力故以合大海海印之義卽智海故三能以幻智
知諸法故卽合夜叉與人互不相見以如幻故四
得諸菩薩自在力故合於乾城依空無碍現自在
故以在幻後皆帶幻字以有兩重之意故有十喻
差別不同不爲此釋則謂經文繁不要也

爾時彌勒菩薩摩訶薩卽攝神力入樓閣中彈指作
聲告善財言善男子起法性如是此是菩薩知諸法
智因緣聚集所現之相如是自性如幻如夢如影如
像悉不成就爾時善財聞彈指聲從三昧起彌勒告

言善男子汝住菩薩不可思議自在解脫受諸菩薩
三昧喜樂能見菩薩神力所持助道所流願智所現
種種上妙莊嚴宮殿見菩薩行聞菩薩法知菩薩德
了如來願善財白言唯然聖者是善知識加被憶念
威神之力

疏第四爾時彌勒下事訖起定於中四一警覺令
起亦彈指者前來得旨所謂忘言此中得旨令不
滯寂鈔前來得旨者則以定爲門此則以用爲
門動寂無二真入法界

疏二法性下畧示體相初句標此是下釋所見之

相從法智緣生緣生故無自性。故云如是自性如幻夢等。悉不成就者。結成上義。從緣無性。故事不成就。無性從緣。故理不成就。由不守自性。故能從緣。成上之法。雖成不離法性。故卽事得云。法性如是。亦是性自具故。鈔從法智者。疏中以初法智爲緣釋。如是自性已下。經文明自性如幻。是所現相。以後悉不成就。結成自性如幻夢等。初之一對。是約依他。卽三論意。緣生故無性。無性故從緣。從由不守自性下。約真實性辨。卽法性宗。真如不變隨緣之義。上釋悉不成就。明性相雙寂。今云亦是

性自具。恒沙性德。本來具足。非今新成。云不成。就疏三爾時下。得旨而起。四彌勒告下。問答。所見約問親證推之。在因。云住不思議。答中謙敬推之。在緣。云善友力師資互推。反常情也。

聖者。此解脫門。其名何等。彌勒告言。善男子。此解脫門。名入三世一切境界。不忘念智莊嚴藏。善男子。此解脫門中。有不可說。不可說解脫門。一生菩薩之所能得。

疏第二聖者下。顯法名。先問後答。答中先明主門。後善男子下眷屬。前中三世一切境界者。卽此所

入所見之境。不忘念智者。卽能入能現之智。良以三世一如。故念劫圓融。隨一世中現三際之境。智入三世了法空寂。與如冥契。故一念之中。無所不見。莊嚴藏者有二義。一以法性嚴故。一莊嚴中。包含出生無盡嚴具。如一閣中見多閣等。二以無碍智契圓融境。嚴如來藏。則本具諸法。故上云法性如是。非是新成。故此門中具不可說解脫。鈔莊嚴者。前約理融事。已是事事無碍。後更明心境互融。故此門下仍上主門釋眷屬也。

善財問言。此莊嚴事何處去耶。彌勒答言。於來處去。

疏第三善財問言下。窮嚴因之本源。於中有二問。答初番窮其所歸。由上覩希奇攝力之後。忽然而失。故問其去處。答中以從本流末故來。攝末歸本。故去去不異來。故引之於來。一時併答。

曰從何處來。曰從菩薩智慧神力中來。依菩薩智慧神力而住。無有去處。亦無住處。非集非常。遠離一切善男子。如龍王降雨。不從身出。不從心出。無有積集。而非不見。但以龍王心念力故。霈然洪霖。周徧天下。如是境界。不可思議。善男子。彼莊嚴事亦復如是。不住於內。亦不住外。而非不見。但由菩薩威神之力。汝

撰述
善根力。見如是事。善男子。譬如幻師。作諸幻事。無所從來。無所至去。雖無來去。以幻力故。分明可見。彼莊嚴事。亦復如是。無所從來。亦無所去。雖無來去。然以慣習。不可思議。幻智力故。及由往昔大願力故。如是顯現。

疏後番彰其本起。於中先問。雖蒙引歸來處。既不究終歸。寧知本起。故復尋之。答中先法後喻。法中先相後性。謂智力緣作故來。智力緣加故住。既從緣來。則無來去。故此嚴事。非在閻中而住。亦非別處持來。從緣而來。故非集緣。謝則滅。故非常。若先定有處。所則僮常過。先有今無。則爲斷滅。既離斷常。何有生滅一異等相。故云遠離一切。鈔若先定有下。上約順明。此下反釋。先有先無。門會歸中。道從既離下。結釋經文。

疏後喻有二。先龍王降雨。喻徧喻無來之來。合中不住內者。菩薩力故。不住外者。自善力故。以內外因緣互奪。則內外兩亡。後幻師現幻。喻雙喻來去。則無來去。

善財童子言。大聖從何處來。彌勒言。善男子。諸菩薩無來無去。如是而來。無行無住。如是而來。無處無著。

撰述一
聖嚴正金卷七十九
不沒不生。不住不遷。不動不起。無戀無著。無業無報。無起無滅。不斷不常。如是而來。善男子。菩薩從大悲處來。爲欲調伏諸衆生故。從大慈處來。爲欲救護諸衆生故。從淨界處來。隨其所樂。而受生故。從大願處來。往昔願力之所持故。從神通處來。於一切處隨樂現故。從無動搖處來。恒不捨離一切佛故。從無取捨處來。不役身心。使往來故。從智慧方便處來。隨順一切諸衆生故。從示現變化處來。猶如影像。而化現故。然善男子。汝問於我。從何處來者。善男子。我從生處。摩羅提國而來。於此善男子。彼有聚落。名爲房舍。有長者子。名瞿波羅。爲化其人。令入佛法。而住於彼。又爲生處。一切人民。隨所應化。而爲說法。亦爲父母及諸眷屬。婆羅門等。演說大乘。令其趣入。故住於彼。而從彼來。

疏第四善財童子言大聖下。覈正報之性相。於中二。先問從來。後問生處。前中先問。後答。問中上見。慈氏從餘處來。遽卽設敬問法。未遑諮問。所從。故此因前嚴事之來。便問來處。答中有三來處。一約體實法身。卽無來之來。來卽無來。文有十對。思之二。善男子。菩薩從大悲下。約相實報。從萬行中來。

亦猶淨名從萬行道場來矣。二汝問我下。約用化現隨機熟處而來。此三卽法報化身亦體相用亦理行事。又初唯理後唯事中一具理事。鈔此三以下結成上義。都有四重。然前之三。重三段。疏中一一具足。如初云一約體是第一義。二覺法身是第二義。三來卽無來是第三義。約理也。次二段對三亦然。其第四云。又初唯理者。以義包含故。言中一具事理者。謂從大慈大悲等。卽約事也。從無動搖無取捨。卽約理也。以行兼事理故。疏摩羅提者。具云摩羅耶提數摩羅耶者。此云鬘

施卽山名也。提數云中。謂其山在此國中故。或國中近此山故。瞿者地也。波羅云守護。卽守護土地及心地故。鈔摩羅提者。隨難解釋。卽化用中也。善財童子言。聖者何者是菩薩生處。答言。善男子。菩薩有十種生處。何者爲十。善男子。菩提心是菩薩生處。生菩薩家故。深心是菩薩生處。生善知識家故。諸地是菩薩生處。生波羅蜜家故。大願是菩薩生處。生妙行家故。大悲是菩薩生處。生四攝家故。如理觀察是菩薩生處。生般若波羅蜜家故。大乘是菩薩生處。生方便善巧家故。教化衆生是菩薩生處。生佛家故。

法苑珠林卷之十九
智慧方便是菩薩生處。生無生法。忍家故。修行一切法是菩薩生處。生過現未來一切如來家故。

疏第二善財下。問答生處。問中。由前云從生處來。故今窮之。答中。二。先通明諸菩薩生處。後別顯慈氏生處。前中。三。初正答生處。次明生緣眷屬。後校量顯勝。今初有十。皆上句爲能生之行。下句爲所生之家。謂若發菩提心。則是菩薩名爲生家。若有深心。則見善友。若得諸地。則滿諸度。教化衆生。卽是覺他有智慧。故了法無生。有方便。故不取無生之相。不滯二乘之寂。故生無生。忍家。餘可思準。

又上句亦通所生。思之。鈔餘可思準者。疏唯釋五句。以難見故。餘五易了。故但例之。然此十句。一行因。二行緣。三行相。此三疏已釋竟。四以願扶行。應云若發大願。卽生妙行。五化他。謂若有悲心。卽行四攝。六觀理。謂若觀妙理。卽成般若。七隨事。謂若事理雙游。是名大乘。卽方便善巧。八益物。故疏云。若化衆生。卽是覺他。九住果。謂權實雙流。則證無生。忍故。第十上順。謂具修萬行。合三世佛家。上句亦通者。翻將下句爲能生行。謂上求下化。名爲菩薩。卽得生於菩提心家。下經以菩提心爲家故。

則前七可通二解。後二必須依於前釋。故疏先明上句以爲能生之行。後方翻例耳。

善男子。菩薩摩訶薩。以般若波羅蜜爲母。方便善巧爲父。檀波羅蜜爲乳母。尸波羅蜜爲養母。忍波羅蜜爲莊嚴具。勤波羅蜜爲養育者。禪波羅蜜爲浣濯人。善知識爲教授師。一切菩提分爲伴侶。一切善法爲眷屬。一切菩薩爲兄弟。菩提心爲家。如理修行爲家法。諸地爲家處。諸忍爲家族。大願爲家教。滿足諸行爲順家法。勸發大乘爲紹家業。法水灌頂。一生所繫。菩薩爲王太子。成就菩提爲能淨家族。

疏二善男子下明生緣眷屬有二十句。般若爲母。方便爲父者。畧有二義。一實智虛凝與陰俱靜。權智流動與陽齊波。故二親生法身實由般若。若無方便多共二乘。成菩薩種。乃由方便故。二者內解外濟。如父母故。次檀以福資尸。以防護餘可思耳。鈔一實智等者。此言本出莊子第五外篇天道章中。彼云。故曰天樂者。其生也。天行其死也。物化靜而與陰同德。動而與陽同波。故知天樂者。無天怨。無人非。無物累。無鬼責。故曰其動也天。其靜也地。一心定而王天下。其鬼不祟。其鬼不疲。一心定

撰述
善嚴師金卷十一
而萬物服言以虛靜推於天地通於萬物此之謂
天樂今借其言況父母之爲陰陽之儀故易云先
有天地然後有父母

善男子菩薩如是超凡夫地入菩薩位生如來家住
佛種性能修諸行不斷三寶善能守護菩薩種族淨
菩薩種生處尊勝無諸過惡一切世間天人魔梵沙
門婆羅門恭敬讚歎善男子菩薩摩訶薩生於如是
尊勝家已知一切法如影像故於諸世間無所惡賤
知一切法如變化故於諸有趣無所染著知一切法
無有我故教化衆生心無疲厭以大慈悲爲體性故

攝受衆生不覺勞苦了達生死猶如夢故經一切劫
而無怖畏了知諸蘊皆如幻故不現受生而無疲厭
知諸界處同法界故於諸境界無所壞滅知一切想
如陽燄故入於諸趣不生倒惑達一切法皆如幻故
入魔境界不起染著知法身故一切煩惱不能欺誑
得自在故於一切趣通達無碍

疏三善男子菩薩如是下投量顯勝於中二先總
辨生家勝後生於如是尊勝家下別彰智勝

善男子我身普生一切法界等一切衆生差別色相
等一切衆生殊異言音等一切衆生種種各號等一

撰述
華嚴疏鈔卷第十一
切衆生所樂威儀隨順世間教化調伏等一切清淨
衆生示現受生等一切凡夫衆生所作事業等一切
衆生想等一切菩薩願而現其身充滿法界

疏二善男子我身下別顯慈氏生處於中二先彰
實報等周法界文有十句初句總次八別後一結

鈔先彰實報等周法界亦同出現品無量三輪
善男子我爲化度與我往昔同修諸行今時退失苦
提心者亦爲教化父母親屬亦爲教化諸婆羅門令
其離於種族僞慢得生如來種性之中而生於此閻
浮提界摩羅提國拘吒聚落婆羅門家善男子我住
於此大樓閣中隨諸衆生心之所樂種種方便教化
調伏

疏二我爲化下顯爲順機當現生殊於中先明現
生拘吒者此云樓閣此聚落中多樓閣故或慈氏
閣在此中故鈔拘吒聚落此云樓閣乃是一義
或云小舍或曰多家故上經同譯爲房舍聚落今
疏取一義耳

善男子我爲隨順衆生心故我爲成熟兜率天中同
行天故我爲示現菩薩福智變化莊嚴超過一切諸
欲界故令其捨離諸欲樂故令知有爲皆無常故令

撰述
華嚴疏鈔卷第十一
知諸天盛必衰故爲欲示現將降生時大智法門與
一生菩薩共談論故爲欲攝化諸同行故爲欲教化
釋迦如來所遣來者令如蓮華悉開悟故於此命終
生兜率天。

疏後我爲隨順下明當生於中先正顯當生所爲
如蓮華者有三義一釋迦下種彼華開故二昔因
舍果如華未開因亾果現故如蓮華開三聞熏舍
實如蓮未開見實亾言故云開悟智論云菩薩善
根不遇如來智慧日光翳歟無疑通證前義 鈔
如蓮華者初一生行解次一成果後義見理皆因

聞教則教理行果四法備矣然疏但釋蓮華之言
而經云爲欲教化釋迦如來所遣來者今當說緣
按觀彌勒菩薩上生兜率天經佛於舍衛國說優
波離問佛答此人從今十二年二月十五日上生
閻浮提歲數五十六億萬歲爾乃下生於閻浮提
佛滅度後我諸弟子若有精勤修諸功德威儀不
缺掃塔塗地以衆名香妙華供養行衆三昧深入
正受讀誦經典如是等人應當至心雖不斷結如
得六通應當繫念念佛形像稱彌勒名如是等輩
若一念頃受八齋戒修諸淨業發弘誓願命終之

後譬如壯士。屈伸臂項。卽得往生兜率。隨天於蓮華上。結跏趺坐。百千天子。作天伎樂。持天鬘陀羅華。摩訶鬘陀羅華。以散其上。讚言善哉善哉。又言如是等衆生。若淨諸業。行六事法。必定無疑。當得生於兜率天上。值遇彌勒。亦隨彌勒。下閻浮提。第一聞法。於未來世。值遇賢劫。一切諸佛。又云。得聞彌勒名者。聞已歡喜。恭敬禮拜。此人命終。如彈指頃。卽得往生。又云。善男子。善女人。犯諸禁戒。造衆惡業。聞是菩薩大悲名字。五體投地。誠心懺悔。是諸惡業。速得清淨。未來世中。諸衆生等。聞是菩薩

大悲名稱。造立形像。香花衣服。繒蓋幢幡。禮拜繫念。此人命欲終時。彌勒菩薩。放肩間白毫。大人相光。與諸天子。持天鬘陀羅華。來迎此人。此人須臾。卽得往生。值遇彌勒。頭面禮敬。便得聞法。於無上道。得不退轉。於未來世。得值恒河沙等諸佛。如來釋曰。此亦釋迦所遣來者。以行釋迦教故。若彌勒下生經。羅什法師譯。無如是我聞。直云。大智舍利弗問佛。佛誠聽爲說云。舍利弗。四大海水。以漸減少。三千由旬。是閻浮提地。長十千由旬。廣八千由旬。平坦如鏡。名花軟草。徧覆其地。廣說莊嚴等華。

藏品已引。次云城中有大婆羅門主。名曰妙梵。婆羅門女名摩提婆。彌勒託生爲父母。身紫金色。三十二相。身長千尺。臂廣二十丈。面長十二丈。四尺。肉眼見千由旬。常光四照。面百由旬。穰佉王奉七寶臺。彌勒施諸婆羅門。婆羅門見其毀壞。修無常想。出家學道。於龍華菩提樹下。樹莖枝葉高五十里。卽以出家日得阿耨多羅三藐三菩提。有無量人發心出家學道。爾時彌勒見諸大衆。作是念言。今諸人等。不以生天樂故。亦復不爲今世樂故。來至我所。但爲得涅槃常樂因緣。是諸人等。於佛法

中種諸善根。釋迦牟尼佛遣來付我。是故今來皆至我所。我今受之。是諸人等。或以讀誦分別決定修妬路毘奈耶。阿毘達磨。修諸功德。來至我所。廣敘布施持戒忍辱精進。結云善哉。釋迦牟尼佛善教化如是等百千萬億衆生。今至我所。彌勒如是三稱讚釋迦如來。然後說法。言汝等衆生。能爲難事。於彼惡世。貪欲瞋恚愚痴。迷惑短命人中。能持戒行。作諸功德。甚爲希有。善哉。釋迦牟尼佛以大悲心。能於苦惱衆生之中。說誠實語。示我當來度脫汝等。如是之師。甚爲難遇。深心憐愍惡世衆生。

撰述
華嚴頂金卷第十一
救濟苦惱。令得安隱。釋迦如來爲汝等故。以頭布施。割截耳鼻手足支體。受諸苦惱。以利汝等。彌勒如是廣安慰已。然後說法。其龍華樹園縱廣一百由旬。大衆滿中。初會說法九十六億人。得阿羅漢。第二會說法九十四億人。第三會九十二億人。更有諸本經大同小異。可以意得。此經正明釋迦遣來。
善男子。我願滿足。成一切智。得菩提時。汝及文殊俱得見我。

疏後我願滿下。結會三聖。言俱見我者。亦有二意。

一俱助化故。二善財表行。文殊信智。成正覺時。俱證此故。三者文殊古佛。善財當佛。慈氏現佛。三世圓融。浩然大均。故云俱見。

善男子。汝當往詣文殊師利善知識所。而問之。言菩薩云。何學菩薩行。云何而入普賢行門。云何成就。云何廣大。云何隨順。云何清淨。云何圓滿。善男子。彼當爲汝分別演說。

疏第四善男子。汝當下。指示後友中。三初勸往。教問。次何以下釋勸所由。二是故善男子。下結勸重。釋初中。令往文殊者。因位將極。令反照心源故。

撰述
華嚴頂鈔卷第十一
何以故文殊師利所有大願非餘無量百千億那由他菩薩之所能有善男子文殊師利童子其行廣大其願無邊出生一切菩薩功德無有休息善男子文殊師利常爲無量百千億那由他諸佛母常爲無量百千億那由他菩薩師教化成就一切衆生名稱普聞十方世界常於一切諸佛衆中爲說法師一切如來之所讚歎住甚深智能如實見一切諸法通達一切解脫境界究竟普賢所行諸行善男子文殊師利童子是汝善知識令汝得生如來家長養一切諸善根發起一切助道法值遇真實善知識令汝修一切

功德入一切願網住一切大願爲汝說一切菩薩秘密法現一切菩薩難思行與汝往昔同行

疏二中先徵意云文殊已見何爲勸往釋意云彼德深廣宿緣重故於中二先明行廣後顯緣深今初生菩薩功德者主信法門長養一切善故爲佛母者主般若門住甚深智見法實故爲菩薩師者具善巧智通達解脫究竟普賢行故後是汝善知識下顯其緣深已多成益

是故善男子汝應往詣文殊之所莫生疲厭文殊師利當爲汝說一切功德何以故汝先所見諸善知識

攝述
華嚴疏鈔卷之十一
三
聞菩薩行入解脫門。滿足大願。皆是文殊威神之力。
文殊師利於一切處咸得究竟。

疏三結勸重釋中三。初結勸。具上二義。應往勿疲。
次徵釋。先徵意云。何以的知具前二義。後釋意云。
已所成益。皆是彼力。故知德深緣重。若當見者。獲
益尤增。後文殊下。結德究竟。前見爲信之首。後見
爲智之終。故云一切究竟。

時善財童子頂禮其足。繞無量匝。殷勤瞻仰。辭退而
去。

疏第五爾時善財下戀德禮辭。

三塔寺禪堂沙門廣律幸遇葉平林居士檢刺
清涼國師撰述

華嚴疏鈔安置刺場於本堂。漫託授餐於廣律。竊自
思忖。無任歡欣。良以無量國中。希有之法寶。恒
沙劫數難值之勝緣。得與躬親。何辭執掌。敬捐
淨資四兩六錢。刺此疏鈔七十九卷。所冀廣演
流通。物物均沾。其利益常勤守護。永永遍傳於
悠遠云爾。
乙丑中秋廣律謹識

大方廣佛華嚴經疏鈔卷第八十
 于闐國三藏沙門實義難陀 譯
 清涼山大華嚴寺沙門澄觀撰述

大方廣佛華嚴經疏鈔卷第八十

于闐國三藏沙門實義難陀

譯

清涼山大華嚴寺沙門澄觀撰述

入法界品第三十九之二十一

爾時善財童子依彌勒菩薩摩訶薩教漸次而行經
 由一百一十餘城已到普門國蘇摩那城住其門所
 思惟文殊師利隨順觀察周旋求覓希欲奉觀

疏自下大文第四明智照無二相顯前因法生果
 體無分別絕境智等諸二相故又善財障盡惑除
 未始動念是故反照唯是初心更無異也即信智

撰述
垂屬政金卷八十一
無二。鈔第四智照無二相絕境智者。謂一境智無二。二始末無二。亦信智無二。三染淨無二。四智斷無二。五理事無二。由證理事無二義故。染淨無二。惑性智性。一性平等。始末無差。能所齊融。亦不生二不二分別。故前經云。心不稱量諸二法。但恒了達法無二。諸法若二若不二。於中畢竟無所著。方爲真不二耳。

疏文但有二。第一依教趣求。第二見聞證入。第三轉遇勝緣。今初言經游百一十餘城已者。百一十義已見上文。然此游城復有二義。一但從彌勒

至於文殊。自經百一十城。非連取前。二者如前百一十友。故云餘城。卽通取前友。普收諸法。歸一照。故若爾。前友此城。豈得同耶。亦有二義。一者友必依城。則一城一友。二者或於一城。值於多友。或求一友。歷於多城。而要具一百一十。以順表法故。鈔或於一城者。如諸夜神多在佛會。言或求一友。歷於多城者。如解脫處。經十二年。求於普眼。經歷多城等。此義勝前。

疏到蘇摩那者。此云悅意。卽華名也。謂智照一性。悅本心故。卽德生城。有本云至普門國。顯攝諸差。

撰述
華嚴疏鈔卷第八
二
別歸無二相。卽普門故。言住其門所者。顯解心已
極。將入般若無二之門故。

是時文殊師利逢申右手。過一百一十由旬。按善財
頂。

疏第二是時文殊下。見聞證入。此下卽是所漏脫
文義。如前說。然以極照無二。心境兩亡。故畧無敬
問。信解雙絕。故不見現身。而反照未移信心。故申
右手。又不見乃爲真見。但了自心空般若故。文中
三。一摩頂攝受。過百一十由旬者。徹過前位故。始
信該於極果。故曰逢申。隨順行成。故曰右手。然過

城約超封域。由旬明超數量。又前越諸位斷德。後
越諸位智地。按頂表於攝受。亦以普法置心頂故。
信至極故。

作如是言。善哉善哉。善男子。若離信根。心劣憂悔。功
行不具。退失精勤。於一善根。心生住著。於少功德。便
已爲足。不能善巧發起行願。不爲善知識之所攝護。
不爲如來之所憶念。不能了知。如是法性。如是理趣。
如是法門。如是所行。如是境界。若周徧知。若種種知。
若盡源底。若解了。若趣入。若解脫。若分別。若證知。若
獲得。皆悉不能。

撰述
華嚴疏鈔卷第八
三
疏二作如是言下。誨示法門。卽舉失顯得。謂若離
信根等。不了法性等。反顯善財有信根等。能了法
性等。於中先列所闕行法。文有九句。前七闕因。一
闕行本故。二求小故。心劣。處生。死而憂悔。三橫不
具。四豎不進。五滯一善。六不廣求。七不起無住行。
願。後二闕緣。後不能了。下。不能成。益中有十五句。
前五約所知理事。後十約能知分齊。例前諸文思
之。又前九中。初一信根。是所闕因。餘皆不能成。益
約法功。歸於信。約人前友之法。皆由文殊。

是時文殊師利宣說此法。示教利喜。令善財童子成
就阿僧祇法門。具足無量大智。光明。令得菩薩無邊
際。陀羅尼。無邊際。願。無邊際。三昧。無邊際。神通。無邊
際。智。令人普賢行道場。及置善財。自所住處。文殊師
利還攝不現。

疏三是時文殊下。結益歸本。於中十句。前九結益
甚深。初一總。餘八別。前智。光明。卽般若方便。後無
邊智。卽智波羅蜜。普賢行道場者。舉足下足。皆與
普賢行相應故。自所住處者。卽是法界。是文殊大
智。無住住故。又普行道場。卽法界理。自所住處。卽
文殊智。此亦義。同示於後友普賢之境。後一句攝

撰述
聖嚴正金卷八
四
用歸本所作竟故。信窮智境。信相便亾。故云不現。
鈔初一總者。總卽示教利喜。示謂顯。示法門。教
謂勸令修行。利謂覺悟成益。喜謂稱根令悅。經從
具足無量。下別句。疏隨難釋。先出初句。異於第六。
二三四五。並皆不釋。後釋七八二句。而有二意。一
當句釋。屬於二人。二相合釋。文殊能住。普賢道場
是所住故。此亦義同者。以安普賢行道場故。文無
正示。故云義同。

於是善財思惟觀察。一心願見文殊師利。及見三千
大千世界微塵數諸善知識。悉皆親近。恭敬承事。受
行其教。無有違逆。

疏第三於是善財下。轉遇勝緣。修行敬事。然此諸
友。及後普賢。皆無指授者。表證法界。離此彼相。故
此三千友。乃有多義。一者成前。尚是文殊之益。二
者順後。爲入理方便。又通論諸友。更分三分。初文
殊一人。爲信心之始。次至後文殊。爲智滿之終。故
此總見三千等友。後之普賢。理智無二。又前諸友。
一一各逢。卽是純門。此中諸友。一時頓見。卽顯雜
門。後普賢一人。具前諸友。卽純雜無碍。又此諸友
所得法門。受行各別。文所不具。結廣從畧。故總云

三千耳。

○疏大文第五增長趣求下。顯因廣大相以前照理無二。顯其甚深。方堪成佛。廣大之因。以隨一一因。皆稱法性。故文殊般若。即攝相歸體。普賢法界。即秘密重重。若以二聖相對。則文殊爲能證。若以二聖對善財。則文殊亦爲所證。未得般若。今證得故。鈔大文第五顯因廣大相。以隨一一因者。釋廣大義。異前攝德成因。未說一一稱法界故。又前但因。今明因徹果海。故文殊下對前辨異。攝相歸性。事理無碍。秘密重重。事事無碍。若以二聖下。後二

聖相望。辨其能所。

增長趣求一切智慧。廣大悲海。益大慈雲。普觀衆生。生大歡喜。安住菩薩寂靜法門。普緣一切廣大境界。學一切佛廣大功德。入一切佛決定知見。增一切智助道之法。善修一切菩薩深心。知三世佛出興次第。入一切法海。轉一切法輪。生一切世間。入於一切菩薩願海。住一切劫。修菩薩行。照明一切如來境界。長養一切菩薩諸根。獲一切智。清淨光明。普照十方。除諸暗障。智周法界。於一切佛刹。一切諸有。普現其身。靡不周徧。摧一切障。入無礙法。住於法界平等之地。

觀察普賢解脫境界。

疏文中分三。初依教趣求。二聞觀前相。三見聞證入。今初有二十六句。初一標求佛果。後一總觀圓因。中間諸句。義通前後。皆是趣佛之因。並是普賢解脫境界。就中間攝爲十對。初四。四等普周寂靜。卽捨故。次二。福智無外。緣境是智故。次二。入正增助。次二。修因知果。次三。入法現生。次二。證願修行。次二。照上增下。次二。得實照權。次二。智周身徧。後三。摧障入理。其入無碍法。向上成無二礙。向下卽成無碍法界。其住平等地。卽前文殊自所住處。

後總句觀普賢境。卽前普賢行道場。以是顯因廣大相故。文殊通指善財普觀。不同前文一友指於一友。良以普觀方見普賢故。

卽聞普賢菩薩摩訶薩名字行願。助道正道諸地。地方便地入地。勝進地住地。修習地境界地。威力地同住。

疏第二卽聞普賢下。聞觀前相。於中先聞後觀。今初有十三句。初一聞人名。後十二聞行位。卽聞二字。貫下諸句。此中聞者。非從一人多人聞之。卽稱法界而聞耳。諸地者。普賢位中。自行依地。及圓

融所攝地也。此句總下八別。一地方便者。卽加行也。二卽入心。三出心。四住心。五卽修施戒等。六卽徧行真如等。爲所證境。亦是所得分齊之境。七卽神通作用。摧邪攝生等。八卽同依佛智而住。

渴仰欲見普賢菩薩。

疏二渴仰欲見下。明觀於中二。先仰德修觀。後觀見希奇。今初。初聞前人法。故生渴仰。

卽於此金剛藏菩提場。毘盧遮那如來師子座前。一切寶蓮華藏座上。

疏次卽於下。修觀菩提場者。是所觀處。金剛藏者。

約表卽於本所信自心佛果菩提體中金剛智內。起一切因陀羅網普賢心觀。約事卽前其地金剛而蘊德具嚴。故名爲藏。然此經體勢。應具十會以順無盡。又始起覺場。義應歸本故。鈔然此經下。總釋文意。謂所以却就金剛場起觀者何。於中有二。先繫表出意。謂華嚴一切皆悉具十會亦應然。合有第十攝末歸本。重會覺場。謂菩提場是根本會。起於中八。名爲末會。謂第十會攝前八會歸於初會。無不從此法界所流。無不還歸此法界故。疏今且依文對前本末二會。卽是攝末歸本之義。

撰述
華嚴疏鈔卷八十
是以善財不假別指。便於初會始成之處。如來座前。而起觀求。鈔後今且依文者。明其無十。故就第九。以明此三。一者本會。二者末會。三自普賢。以爲攝末歸本之會。本有二種。逝多。乃是此會之本。今歸覺場。是諸會本。

起等虛空界廣大心。捨一切剎離一切著無礙心。普行一切無礙法無礙心。徧入一切十方海無礙心。普入一切智境界清淨心。觀道場莊嚴明了心。入一切佛法海廣大心。化一切衆生界周徧心。淨一切國土無量心。住一切劫無盡心。趣如來十力究竟心。

疏後起等下正顯觀心有十一句。皆稱普賢境而起於心。故後得見。

善財童子起如是心時。由自善根力。一切如來所加被力。普賢菩薩同善根力。故

疏二善財下。觀見希奇。於中二。先結前生後。兼顯見因。

見十種瑞相。何等爲十。所謂見一切佛剎清淨。一切如來成等正覺。見一切佛剎清淨。無諸惡道。見一切佛剎清淨。衆妙蓮華。以爲嚴飾。見一切佛剎清淨。一切衆生身心清淨。見一切佛剎清淨。種種衆寶之所

10
1
2
3
4
5
6
7
8
9
20
1
2
3
4
5
6
7
8
9
30
1
2
3
4
5
6
7
8
9

莊嚴見一切佛刹清淨。一切衆生諸相嚴身。見一切佛刹清淨。諸莊嚴雲以覆其上。見一切佛刹清淨。一切衆生互起慈心。遞相利益。不爲惱害。見一切佛刹清淨。道場莊嚴。見一切佛刹清淨。一切衆生心常念佛。是爲十。又見十種光明相。何等爲十。所謂見一切世界所有微塵。一一塵中。出一切世界微塵數佛。光明網雲。周徧照耀。一一塵中。出一切世界微塵數佛。光明輪雲。種種色相。周徧法界。一一塵中。出一切世界微塵數佛。色像寶雲。周徧法界。一一塵中。出一切世界微塵數佛。光燄輪雲。周徧法界。一一塵中。出一切世界微塵數衆妙香雲。周徧十方。稱讚普賢。一切行願大功德海。一一塵中。出一切世界微塵數日月星宿雲。皆放普賢菩薩光明。徧照法界。一一塵中。出一切世界微塵數一切衆生身色像雲。放佛光明。徧照法界。一一塵中。出一切世界微塵數一切佛色像摩尼雲。周徧法界。一一塵中。出一切世界微塵數菩薩身色像雲。充滿法界。令一切衆生皆得出離。所願滿足。一一塵中。出一切世界微塵數如來身色像雲。說一切佛廣大誓願。周徧法界。是爲十。

疏後見十種下正觀希奇。於中二。一見瑞相。十句

撰述
華嚴疏鈔卷第八
十
五對各先所依淨土。後住處衆生。鈔一見瑞相者。然其十句。皆是淨土。而具後句。意在衆生。如初對云。見一切佛刹清淨。一切如來成正覺。卽屬淨土。二云。見一切佛刹清淨。無諸惡道。無諸惡道。卽是住處衆生。五對皆然。

疏二觀光明。前瑞則直見一重淨刹。此明重見。又前籠此細前體相。此業用。然皆是普賢依報之刹。鈔又前籠者。前但云。見一切佛刹。今一一塵中。出一切世界。故此爲細。言前體相。此業用者。前但云。見今塵中出故。

時善財童子。見此十種光明相已。卽作是念。我今必見普賢菩薩。增益善根。見一切佛。於諸菩薩廣大境界。生決定解。得一切智。

疏第三時善財下。見聞證入。於中三。初結前生後。由觀前相生。必見心。

於時善財普攝諸根。一心求見普賢菩薩。起大精進。心無退轉。卽以普眼觀察十方一切諸佛諸菩薩衆。所見境界。皆作得見普賢之想。以智慧眼。觀普賢道。其心廣大。猶如虛空。大悲堅固。猶如金剛。願盡未來。常得隨逐普賢菩薩。念念隨順修普賢行。成就智慧。

撰述
華嚴疏鈔卷八十
十一
入如來境住普賢地。

疏二於時善財普攝下起觀增修初攝散住定次策勤無退次觀其體徧以法界爲身故次悲智橫廣次願行豎窮後得果圓因此乃總攝諸觀行人欲見當做此修離此觀心見亦非勝。

時善財童子卽見普賢菩薩在如來前衆會之中坐寶蓮華師子之座諸菩薩衆所共圍繞最爲殊特世無與等智慧境界無量無邊難測難思等三世佛一切菩薩無能觀察。

疏三時善財下正明見聞證入於中二先正見聞

證入後聞佛德難思前中亦二先顯得益圓因後位滿齊佛前中分四一見身得益二摩頂得益三顯因深廣四觀用無涯初中二先見勝身後得深益前中四一總見勝德身相二別見毛孔出生三重觀體內包含四結通周徧今初由前於菩提場師子座前起勝想故

見普賢身一一毛孔出一切世界微塵數光明雲徧法界虛空界一切世界除滅一切衆生苦患令諸菩薩生大歡喜見一一毛孔出一切佛刹微塵數種種色香燄雲徧法界虛空界一切諸佛衆會道場而以

撰述
華嚴疏鈔卷八十一
五
普熏見一一毛孔。出一切佛刹微塵數雜華雲。徧法界虛空界。一切諸佛衆會道場。雨衆妙華。見一一毛孔。出一切佛刹微塵數香樹雲。徧法界虛空界。一切諸佛衆會道場。雨衆妙香。見一一毛孔。出一切佛刹微塵數妙衣雲。徧法界虛空界。一切諸佛衆會道場。雨衆妙衣。見一一毛孔。出一切佛刹微塵數寶樹雲。徧法界虛空界。一切諸佛衆會道場。雨摩尼寶。見一一毛孔。出一切佛刹微塵數色界天身雲。充滿法界。歡菩提心。見一一毛孔。出一切佛刹微塵數梵天身雲。勸諸如來轉妙法輪。見一一毛孔。出一切佛刹微

塵數欲界天主身雲。護持一切如來法輪。見一一毛孔。念念中。出一切佛刹微塵數三世佛刹雲。徧法界虛空界。爲諸衆生。無歸趣者。爲作歸趣。無覆護者。爲作覆護。無依止者。爲作依止。見一一毛孔。念念中。出一切佛刹微塵數清淨佛刹雲。徧法界虛空界。一切諸佛於中。出世菩薩衆會。悉皆充滿。見一一毛孔。念念中。出一切佛刹微塵數淨不淨佛刹雲。徧法界虛空界。令雜染衆生。皆得清淨。見一一毛孔。念念中。出一切佛刹微塵數不清淨佛刹雲。徧法界虛空界。令雜染衆生。皆得清淨。見一一毛孔。念念中。出一切佛

刹微塵數不淨佛刹雲徧法界虛空界。令純染衆生皆得清淨。見一一毛孔。念念中出一切佛刹微塵數衆生身雲。徧法界虛空界。隨其所應教化衆生。皆令發阿耨多羅三藐三菩提心。見一一毛孔。念念中出一切佛刹微塵數菩薩身雲。徧法界虛空界。稱揚種種諸佛名號。令諸衆生增長善根。見一一毛孔。念念中出一切佛刹微塵數菩薩身雲。徧法界虛空界。見一切佛刹微塵數菩薩從初發意所生善根。見一一毛孔。念念中出一切佛刹微塵數菩薩身雲。徧法界虛空界。於一切佛刹。一一刹中。宣揚一切菩薩

願海。及普賢菩薩清淨妙行。見一一毛孔。念念中出普賢菩薩行雲。令一切衆生心得滿足。具足修習一切智道。見一一毛孔。出一切佛刹微塵數正覺身雲。於一切佛刹。現成正覺。令諸菩薩增長大法。成一切智。

疏二見普賢身下。別見毛孔出生。廣徧法界。實則重重無盡。畧顯二十重。亦對前善財渴仰所起十一心故。其初等虛空廣大等五心。徧此諸句。餘之六心。別生諸句。且除初一句。次之五句。由前觀道場明了心。故出雲等。皆言道場。次歎菩提心下三

句。由前入佛法海心。次一句及最初一句。由化衆
生界心。次四由前淨一切國土心。亦兼化衆生心。
後六句由前住一切劫。及趣如來十方究竟心。並
如文思之。是知各由自心所見分齊。鈔然毛孔
由生等。廣如玄中。今更畧示。謂彼普賢游入十方
畧有十門。一入世界。法界緣起。互卽入故。二入衆
生界。生界佛界無二體故。三明供養。一一供具。皆
稱真故。四明請法。窮法界智無時不請。諸佛無時
不雨法故。五大智攝生。了生迷倒。而無衆生。不碍
化故。六明現通。十方塵刹。互入重重。震動現相。而

無息故。七常寂定。未曾一念有起動故。八廣出生
念念毛孔。出現諸境。無窮盡故。九者說法。念念常
雨無邊法雨。雨一切故。十明總說。上之九義。舉
全收。無前後故。廣說難盡。餘廣如文。

爾時善財童子見普賢菩薩。如是自在神通境界。身
心徧喜。踊躍無量。

疏三。爾時善財下。重觀體內包含。於中二。初結前
生後。

重觀普賢一一身分。一一毛孔。悉有三千大千世界。
風輪。水輪。地輪。火輪。大海。江河。及諸寶山。須彌鐵圍。

撰述

華嚴經金卷八十

三

村管城邑。宮殿園苑。一切地獄餓鬼畜生閻羅王界。天龍八部。人與非人。欲界色界無色界處。日月星宿。風雲雷電。晝夜月時。及以年劫。諸佛出世。菩薩聚會。道場莊嚴。如是等事。悉皆明見。如見此世界。十方所有一切世界。悉如是見。如見現在十方世界。前際後際。一切世界。亦如是見。各各差別。不相雜亂。

疏後重觀下。正顯於中亦二。先見三千。後如見此。下類通十方三際。

如於此毘盧遮那如來所。示現如是神通之力。於東方蓮華德世界賢首佛所。現神通力。亦復如是。如賢首佛所。如是東方一切世界。如東方。南西北方。四維上下一切世界。諸如來所。現神通力。當知悉爾。如十方一切世界。如是十方一切佛刹。一一塵中。皆有法界諸佛聚會。一一佛所。普賢菩薩。坐寶蓮華師子座上。現神通力。悉亦如是。彼一一普賢身中。皆現三世一切境界。一切佛刹。一切衆生。一切佛出現。一切菩薩衆。及聞一切衆生言音。一切佛言音。一切如來所轉法輪。一切菩薩所成諸行。一切如來遊戲神通。疏四如於此毘盧下。結通周徧。文有四重舉類。未結塵中普賢。是知前則身中。包含法界。廣無邊故。

法華

華嚴疏鈔卷八十

三

撰述
華嚴疏鈔卷八十
顯其普義。今則全此合法界身。潛入塵中。調柔無碍。明其賢義。內外周徧。限量斯盡。故名普賢。

善財童子見普賢菩薩如是無量不可思議大神通力。卽得十種智波羅蜜。何等爲十。所謂於念念中能周徧一切佛刹智波羅蜜。於念念中悉能往詣一切佛所智波羅蜜。於念念中悉能供養一切如來智波羅蜜。於念念中普於一切諸如來所聞法受持智波羅蜜。於念念中思惟一切如來法輪智波羅蜜。於念念中知一切佛不可思議大神通事智波羅蜜。於念念中說一句法盡未來際辯才無盡智波羅蜜。於

念念中。以深般若觀一切法智波羅蜜。於念念中。入一切法界實相海智波羅蜜。於念念中。知一切衆生心智波羅蜜。於念念中。普賢慧行。皆現在前智波羅蜜。

疏二善財童子見下。明得深益。旣得智度。已彰地滿。況十表無盡耶。

善財童子旣得是已。普賢菩薩卽申右手。摩觸其頂。旣摩頂已。善財卽得一切佛刹微塵數三昧門。各以一切佛刹微塵數三昧而爲眷屬。一一三昧。悉見昔所未見一切佛刹微塵數佛大海集一切佛刹微塵

撰述
華嚴疏鈔卷第八十一
數一切智助道具。生一切佛刹微塵數一切智上妙法。發一切佛刹微塵數一切智大誓願。入一切佛刹微塵數大願海。住一切佛刹微塵數一切智出要道。修一切佛刹微塵數諸菩薩所修行。起一切佛刹微塵數一切智大精進。得一切佛刹微塵數一切智淨光明。如此娑婆世界毘盧遮那佛所。普賢菩薩摩善財頂。如是十方所有世界。及彼世界一一塵中一切世界。一切佛所普賢菩薩。悉亦如是摩善財頂。所得法門亦皆同等。

疏第二善財童子既得下。明摩頂得益於中三。初

摩頂。次既摩下得益。前向外觀。故得智度。此摩頂親證。故得三昧。後如此娑婆下。結通良以善財等普賢故。

爾時普賢菩薩摩訶薩告善財言。善男子。汝見我此神通力不。唯然已見。大聖。此不思議大神通事。唯是如來之所能知。

疏第三爾時普賢下。明因深廣。因深則果厚。故文分爲三。初問答審見。二顯因深遠。三結因成果。

普賢告言。善男子。我於過去不可說不可說佛刹微塵數劫。行菩薩行。求一切智。一一劫中。爲欲清淨菩

提心故承事不可說不可說佛刹微塵數佛。一一劫中爲集一切智福德具故。設不可說不可說佛刹微塵數廣大施會。一切世間咸使聞知。凡有所求悉令滿足。一一劫中爲求一切智法故。以不可說不可說佛刹微塵數財物布施。一一劫中爲求佛智故。以不可說不可說佛刹微塵數城邑聚落國土王位妻子眷屬眼耳鼻舌身肉手足乃至身命而爲布施。一一劫中爲求一切智首故。以不可說不可說佛刹微塵數頭而爲布施。一一劫中爲求一切智故。於不可說不可說佛刹微塵數諸如來所恭敬尊重承事供養。

衣服臥具飲食湯藥一切所須悉皆奉施。於其法中出家學道修行佛法護持正教善男子。我於爾所劫海中自憶未曾於一念間不順佛教於一念間生瞋害心。我我所心自他差別心遠離菩提心。於生灰中起疲厭心懶墮心障礙心迷惑心唯住無上不可沮壞集一切智助道之法大菩提心。

疏二中三一別明求菩提行於中二。先順顯所行。後善男子我於下結離過成德。

善男子。我莊嚴佛土以大悲心救護衆生教化成就。供養諸佛事善知識爲求正法弘宣護持一切內外。

撰述
華嚴疏鈔卷第八
悉皆能捨。乃至身命亦無所吝。一切劫海說其因緣。劫海可盡。此無有盡。

疏二我莊嚴下。通明悲智行。

善男子。我法海中無有一文。無有一句。非是捨施轉輪王位而求得者。非是捨施一切所有而求得者。善男子。我所求法。皆爲救護一切衆生。一心思惟願諸衆生得聞是法。願以智允普照世間。願爲開示出世間智。願令衆生悉得安樂。願普稱讚一切諸佛所有功德。我如是等往昔因緣。於不可說不可說佛刹微塵數劫海說不可盡。

疏三我法海中下。別明求法行。於中先反顯無不能捨。一文尚無所不捨。況全部耶。以一文卽一切之一。如海一滴故。後我所求法下。顯求所爲。結說無盡。

是故善男子。我以如是助道法力。諸善根力。大志樂力。修功德力。如實思惟一切法力。智慧眼力。佛威神力。大慈悲力。淨神通力。善知識力故。得此究竟三世平等清淨法身。復得清淨無上色身。超諸世間。隨諸衆生心之所樂而爲現形。入一切刹徧一切處。於諸世界廣現神通。令其見者靡不欣樂。

撰述
善處正金卷八十一
疏第三是故善男子我以如是下。結因成果。於中先結因。以有成果之功故云力也。文有十句。初四緣因。次二了因。後四通於緣了。後得此下成果。謂由了因故得法身果。由緣因故得色身果。

善男子。汝且觀我如是色身。
疏第四善男子。汝且觀下。觀用無涯。於中二。初舉益勸觀。次觀見奇特。後按量顯勝。今初有標釋結。初標可知。

我此色身。無邊劫海之所成就。無量千億那由他劫。難見難聞。善男子。若有衆生。未種善根。及種少善根。聲聞菩薩。猶尚不得聞我名字。況見我身。善男子。若有衆生。得聞我名。於阿耨多羅三藐三菩提。不復退轉。若見若觸。若迎若送。若暫隨逐。乃至夢中見聞我者。皆亦如是。或有衆生。一日一夜。憶念於我。卽得成熟。或七日七夜。半月一月。半年一年。百年千年。一劫百劫。乃至不可說不可說。佛刹微塵數劫。憶念於我。而成熟者。或一生。或百生。乃至不可說不可說。佛刹微塵數生。憶念於我。而成熟者。或見我放大光明。或見我震動佛刹。或生怖畏。或生歡喜。皆得成熟。善男子。我以如是等佛刹微塵數方便門。令諸衆生於阿

撰述
華嚴疏鈔卷八
三
釋多羅三藐三菩提得不退轉善男子。若有衆生見聞於我清淨刹者。必得生此清淨刹中。若有衆生見聞於我清淨身者。必得生我清淨身中。

疏二我此下。釋中二。一明難見聞。二若有衆生下。明見聞皆益。於中三。初明不退菩提益。次或有衆生下。善根成熟益。後我以如是下。總結多門。皆不退成熟。於中先多門皆不退。後若有衆生見聞下。種種皆成熟。淨刹可生。身云何生。此有二義。一約法性身刹。則與刹爲體。各清淨刹。與身爲體。各清淨身。從能依有殊。欲顯所依體一。故言生身。二約

相用。淨刹是所依之刹。淨身則身內之刹。欲顯身土互融。故言生淨身耳。

善男子。汝應觀我此清淨身。

疏後汝應觀下。總結。

爾時善財童子觀普賢菩薩身。相好肢節。一一毛孔中。皆有不可說不可說佛刹海。一一刹海皆有諸佛。出興于世。大菩薩衆所共圍繞。又復見彼一切刹海。種種建立。種種形狀。種種莊嚴。種種大山。周匝圍繞。種種色雲。彌覆虛空。種種佛典。演種種法。如是等事。各各不同。又見普賢於一世界海中。出一切佛刹。

撰述
華嚴疏鈔卷八
微塵數佛化身雲周徧十方一切世界教化衆生。令
向阿耨多羅三藐三菩提時善財童子又見自身在
普賢身內十方一切諸世界中教化衆生。

疏第二爾時善財下。觀見奇特。於中三。初見毛內
含三世間。次又見普賢下。見普賢身徧諸刹中。出
生大用。後時善財童子下。自見已身等普賢化。

又善財童子。親近佛刹微塵數諸善知識。所得善根
智慧光明。比見普賢菩薩所得善根。百分不及一。千
分不及一。百千分不及一。百千億分乃至算數譬喻
亦不能及。是善財童子從初發心。乃至得見普賢菩

薩於其中間所入一切諸佛刹海。今於普賢一毛孔
中一念所入諸佛刹海。過前不可說不可說佛刹微
塵數倍如一毛孔。一切毛孔悉亦如是。善財童子於
普賢菩薩毛孔刹中行一步。過不可說不可說佛刹
微塵數世界。如是而行盡未來劫。猶不能知一毛孔
中刹海次第。刹海藏。刹海差別。刹海普入。刹海成。刹
海壞。刹海莊嚴。所有邊際。亦不能知佛海次第。佛海
藏。佛海差別。佛海普入。佛海生。佛海滅。所有邊際。亦
不能知菩薩衆海次第。菩薩衆海藏。菩薩衆海差別。
菩薩衆海普入。菩薩衆海集。菩薩衆海散。所有邊際。

撰述
垂屬疏鈔卷八
亦不能知入衆生界知衆生根教化調伏諸衆生智
菩薩所住甚深自在菩薩所入諸地諸道如是等海
所有邊際善財童子於普賢菩薩毛孔剎中或於一
剎經於一劫如是而行乃至或有經不可說不可說
佛剎微塵數劫如是而行亦不於此剎沒於彼剎現
念念周徧無邊剎海教化衆生令向阿耨多羅三藐
三菩提。

疏第三又善財下。按量顯勝。於中三。初按量善根。
二從初發心下。按量所入剎海。三善財童子於普
賢下。雙顯上二超勝之相。於中二。先別明橫豎深

廣。於中有三世間。一器世間。一步超過顯橫廣。盡
未來劫明豎窮。猶不能知顯深遠。藏約包含。普入
約廣徧。餘可知。鈔於中有下。菩薩亦是衆生。亦
爲正覺。餘可知。

疏後善財童子於下。總結平等周徧。不於此沒彼
現者。以沒現相如法性故。以此彼相相卽故也。
鈔以沒現相者。斯則沒而無沒。現而無現。真法性
中無出沒故。此約事理無碍。下句云。以此彼相相
卽故者。卽事事無碍法界。然相卽有三。一約剎。此
剎卽彼剎。一剎卽多剎故。二約人。此身卽彼身。一

撰述
華嚴疏鈔卷八十
步卽多步故。三約劫一念卽是無量劫故。又此彼相炳然具故。秘密隱顯俱時成故。此彼時處互相在。故帝網重重。同時具足。皆不動故。

當是之時。善財童子則次第得普賢菩薩諸行願海。與普賢等。與諸佛等。一身充滿一切世界。刹等。行等。正覺等。神通等。法輪等。辨才等。言辭等。音聲等。力無畏等。佛所住等。大慈悲等。不可思議解脫自在。悉皆同等。

疏第二當是之時下。明位滿齊佛。於中初句。明自得。餘皆等上。初一等。因圓次一等。果滿一身下。別顯等相。此卽義當等覺。因位既滿。更無所修。故但說等。不辨更求。此則一生頓成。行布亦足。非唯但約理觀。初後圓融。上明見聞證入竟。

爾時普賢菩薩摩訶薩卽說頌言。

汝等應除諸惑垢。一心不亂而諦聽。我說如來具諸度。一切解脫真實道。

出世調柔勝丈夫。其心清淨如虛空。恒放智日大光。明普使羣生滅癡暗。

如來難可得見聞。無量億劫今乃值。如優曇花時一現。是故應聽佛功德。

隨順世間諸所作。譬如幻土現衆業。但爲悅可衆生心。未曾分別起想念。

疏第二從爾時下。明聞佛勝德難思。前長行但顯因圓。此偈方陳果用。非頌前文。然有二意。一對普賢。普賢意云。上見我難思。尚是因位。今示汝果。尤更甚深。二對善財。善財等佛。但是因圓。以果海離言。故不說成佛。今寄現佛之德。以顯善財果相。故長行偈文。因果綺互。文中二。初偈頌標德。誠聽許說。鈔故長行者。長行顯普賢因。偈顯善財果。故云綺互故。

爾時諸菩薩聞此說已。一心渴仰。唯願得聞如來世尊真實功德。咸作是念。普賢菩薩具修諸行。體性清淨。所有言說。皆悉不虛。一切如來。共所稱歎。作是念已。深生渴仰。

疏二爾時下。長行舉衆渴仰欲聞。

爾時普賢菩薩功德智慧。具足莊嚴。猶如蓮華。不著三界一切塵垢。告諸菩薩言。汝等諦聽。我今欲說佛功德海一滴之相。卽說頌言。

疏三爾時普賢下。廣陳德相。令衆求滿。於中二。先長行重誠許說分齊。

佛智廣大同虛空普徧一切衆生心。悉了世間諸妄想不起種種異分別。

一念悉知三世法。亦了一切衆生根。譬如善巧大幻師。念念示現無邊事。

疏後偈頌廣顯佛德難思。九十五偈分二。先九十

三偈別歎佛德。後二偈結德無盡勸信勿疑。前中前八十偈法說。後十二偈喻明。然通讚毘盧遮那十身圓滿。二十一種殊勝功德。卽分二十一段。

初有二偈。卽於所知一向無障轉功德。謂佛無障碍智。於一切事品類差別。無著無疑故。鈔然通

讚者。通有兩重。一者近通。通前法喻。二者遠通。取此卷未結德無盡二偈經文。良以二偈亦是最後無盡德故。其二十一德一經數節出其名義。文有隱顯。欲彰如來無盡德故。大體無異。故復出之。昇兜率品已。廣分別。今皆畧指。初有二偈者。然此二偈合於總句。妙悟皆滿。妙悟卽是妙覺智故。以無著論不釋總句。疏畧不明。若欲明者。初偈當之。今但顯別。卽當第一。然準上文。二十一德皆有三節。一舉經名如此德。經卽二行永絕。二無著菩薩立功德名。卽今疏云於所知一向無障轉功德。三引

二論解其本論卽今疏云佛無碍智下文是也是無性意卽是智德故經偈云佛智廣大初之二句卽是德體二及後偈卽於所知無障轉也謂卽於其極遠時處品類皆知故無有知及與不知之二相也第四句了俗由於證真故不起分別亦是真實離智障也若親光釋不二現行云謂凡夫二乘現行二障世尊無故謂凡夫現行生灰起諸雜染二乘現行涅槃棄利樂事今前偈唯了生灰雜染後偈唯證涅槃廣大利樂

隨衆生心種種行往昔諸業誓願力令其所見各不同而佛本來無動念

疏二有一偈明於有無無二相真如最清淨能入功德謂了真如無二故無動念鈔二有一偈者約經卽達無相法疏中先引無著立名後謂了真如下卽無性釋意故無動念是疏以經帖然無性名此爲無住涅槃旣自入真如故不住生灰亦令他入故不住涅槃今經三句卽不住涅槃第四句是不住生灰

或有處處見佛坐充滿十方諸世界或有其心不清淨無量劫中不見佛

或有信解離憍慢發意即得見如來或有誚誑不淨
心億劫尋求莫值遇。

或一切處聞佛音其音美妙令心悅或有百千萬億
劫心不淨故不聞者。

疏三有三偈即無功用佛事不休息功德謂住佛
無住處作佛事不休息故云或見等。鈔三有三

偈下約經即住於佛住疏中先依無著立功德名
後謂住佛下即無性釋無性生起云為欲得上無

住涅槃故次明之即是恩德謂佛雖徧聖天梵住
而空大悲徧善安住由住空故不住生處由住悲

故不住涅槃一切時中觀所調伏故隨物欲或見
不同。

○疏四有十五偈即於法身中所依意樂作事無差
別功德謂由諸佛所依智同益生意樂同報化作

用同故前經云得佛平等亦同攝論四種意趣中
平等意趣故此廣列諸佛皆互相徧此釋已妙。

鈔四有十五偈下約經即得佛平等疏中分四一
依無著立功德名二謂由諸佛下即彼論釋諸佛

有三事平等即疏所引三同是也三故前經云下
指經即離世間品初也以彼具足二十一種功德

名故四亦同下。引他論會釋。結云此釋已妙者。古來諸德不知此卽二十一德亦不知此是佛平等。但云如來隨機隱顯忽列諸佛。莫知其由。今云顯佛平等。故廣列諸佛。皆相徧耳。豈非妙耶。疏今更以文理證此諸佛皆遮那之身。鈔今更下。卽就佛平等中顯實是本師。更過平等之意趣耳。

疏謂此文言此三千界阿闍在中。阿闍本在東方。今云在此。明不異此。又無量壽佛。月覺如來。皆徧十方。豈容隔此。又皆言或見。則知一佛隨見不同。

鈔謂此文言下。二引此經文質成正義。自有三意。一東方之佛云在此者。明阿闍卽是本師。二阿彌陀充滿十方。亦合徧此。同於本方。卽釋迦矣。三通取。或見明是本師。或有見爲阿闍彌陀諸佛異耳。

疏若言別讚餘佛。直言阿闍在此。何成讚德。鈔若言別下。三遮救中恐外救云。今明阿闍彌陀徧等。自是別讚彌陀阿闍。何得引是本師佛耶。故今遮云。若如此者。普賢本讚本師釋迦如來。今云東西諸佛徧此。何成讚我本師耶。

疏況華藏刹海。皆遮那化境。無量壽等未出刹種之中。豈非是此佛耶。鈔華藏下。四引前經文。成屬本師。娑婆當中刹海種內第十三層。而有十三佛刹塵數世界圍繞。無量壽佛國。但言從此西方過十萬億佛土。尚未能滿一合之塵。況於一刹塵數。況十三佛刹塵數。其十三重內。皆是化境。況華藏世界刹海。有十不可說佛刹微塵數世界種。一種中。有不可說佛刹微塵數世界。皆是本師之所嚴淨。其中皆是遮那如來分身化往。安養近在十重之內。何得非是本師釋迦。故云豈非是此佛耶。

耶。
疏法華央掘。並說十方分身。鈔法華下。五引他經成立中二經分身。已如前引。既十方中皆是釋迦分身之佛。何得彌陀阿閼佛等近而非耶。疏故知法藏別緣十六王子。皆方便說。鈔故知法藏下。六遮其引難。爲決他經。一引清淨平等覺。說說法藏比丘。然大寶積第十七無量壽如來會。說名法處比丘。佛在耆闍崛山說。阿難起問。白佛言。大德世尊。身色諸根。悉皆清淨。威光赫奕。如融金聚。又如明鏡。凝照光輝。從昔以來。初未曾見。喜

得瞻仰。生稀有心。世尊今者入大寂定。行如來行。皆悉圓滿。善能建立大丈夫行。思惟現在去來諸佛。世尊何故住斯念耶。佛讚聖知。便爲說往昔過無邊阿僧祇無數大劫。有佛出現。號曰然燈。此前展轉復舉諸佛。最後乃云。世主佛前無邊數劫。有佛出世。號世間自在王。彼佛法中。有一比丘。名曰法處。有殊勝願。詰如來所。以偈讚佛。既讚佛已。佛爲說二十一億清淨佛土。具足莊嚴。彼比丘悉皆攝授。攝已滿足。五劫思惟修習。便向彼佛發四十八願。發願已後。更經多劫修行。成就功德。乃至成

佛。後阿難問。此法處比丘成佛。爲過去耶。未來耶。爲今現在。佛告阿難。西方去此十萬億佛剎。彼有世界。名曰極樂。法處比丘在彼成佛。彌無量壽。今現在說法。然後廣說其土莊嚴。釋曰。既如來說他。昔因今果。何得判爲卽本師耶。二引法華經十六王子。卽第三大通智勝佛。云彼佛弟子十六沙彌。今皆得阿耨多羅三藐三菩提。於十方國土現在說法。有無量百千萬億菩薩。聲聞以爲眷屬。其二沙彌東方作佛。一名阿閼。在歡喜國。二名須彌頂。東南方二佛。一名師子音。二名師子相。南方二佛。

一名虛空住。二名常滅西南方二佛。一名帝相。二名梵相。西方二佛。一名阿彌陀。二名度一切世間苦惱。西北方二佛。一名多摩羅跋耨檀香。二名須彌相。北方二佛。一名雲自在。二名雲自在王。東方佛名壞一切世間怖畏。第十六我釋迦牟尼佛。於娑婆國土成阿耨多羅三藐三菩提。釋曰。既第一佛名曰阿閼第九王子卽爲彌陀。十六釋迦。本因旣殊。得佛又別。云何渾亂。言皆本師。故疏釋云。皆是方便。復應問。言豈法華經判爲方便。今當還引法華答之。法華壽量品云。於是中間。我說燃燈佛等。又復言其入於涅槃。如是皆以方便分別。則等言已。等十六王子。復應問。言燃燈去。今方一僧。祇可爲方便。自在王佛。大通智勝。已經無量無邊。不可思議阿僧祇劫。豈爲方便。故應答言云。燃燈雖已久矣。此之壽量劫數不多。謂說大通。但磨三千大千地種。以爲其暴過於東方千國土。卽下一點。以爲校量。彼佛滅度。但過是數。無量無邊。百千阿僧祇劫。豈同壽量。說成佛遠。經云。譬如五百萬億那由他阿僧祇。三千大千世界。假使有人。末爲微塵。過於東方五百千萬億那由他阿僧祇國。乃

佛等。又復言其入於涅槃。如是皆以方便分別。則等言已。等十六王子。復應問。言燃燈去。今方一僧。祇可爲方便。自在王佛。大通智勝。已經無量無邊。不可思議阿僧祇劫。豈爲方便。故應答言云。燃燈雖已久矣。此之壽量劫數不多。謂說大通。但磨三千大千地種。以爲其暴過於東方千國土。卽下一點。以爲校量。彼佛滅度。但過是數。無量無邊。百千阿僧祇劫。豈同壽量。說成佛遠。經云。譬如五百萬億那由他阿僧祇。三千大千世界。假使有人。末爲微塵。過於東方五百千萬億那由他阿僧祇國。乃

下一塵如是東行盡是微塵。是諸世界若著微塵及不著者。盡以爲塵。一塵一劫。我成佛以來。復過於此百千萬億那由他阿僧祇劫。釋曰。以此之喻。方之大通三千墨點。非可類矣。自此劫來。皆是方便。故燃燈等言。無不誅也。是以昔人云。十六王子。尚掩成道之初。斯言愜當。則知彌陀阿闍佛等。皆是本師成佛後事。義無惑矣。自在王佛展轉多劫。但以數明劫。豈如末塵爲劫耶。

疏以理推之。皆是如來海印所現。何緣不說自所現佛而說他耶。故知賢首佛等皆本師矣。鈔以

理推下。第七結成正義。十方諸佛皆我本師。海印頓現。且法華分身。有多淨土。如來何不指已淨土。而令別往彌陀妙喜。思之。故知賢首彌陀等佛。皆本師矣。復何怪哉。言賢首者。卽壽量品中過百萬阿僧祇刹。最後勝蓮華世界之如來也。經中偈云。或見蓮華勝妙刹。賢首如來住其中。若此不是歎本師者。說他如來在他國土爲何用耶。且如總持教中。亦說三十七尊皆是遮那一佛所現。謂毘盧遮那如來。內心證自受用。成於五智。從四智流四方。如來謂大圓鏡智流出。東方阿閼如來平等性

撰述
華嚴疏鈔卷八十一
三十一
智流出南方寶生如來。妙觀察智流出西方無量壽如來。成所作智流出北方不空成就如來。法界清淨智卽自當毘盧遮那如來。言三十七者。五方如來各有四大菩薩在於左右。復成二十。謂中方毘盧遮那如來。四大菩薩者。一金剛波羅蜜菩薩。二寶波羅蜜菩薩。三法波羅蜜菩薩。四羯磨波羅蜜菩薩。東方阿閼如來四菩薩者。一金剛薩埵菩薩。二金剛王菩薩。三金剛愛菩薩。四金剛善哉菩薩。南方寶生如來四菩薩者。一金剛寶。二金剛威。三金剛幢。四金剛笑。西方無量壽如來亦名觀

自在王如來。四菩薩者。一金剛法。二金剛利。三金剛因。四金剛語。北方不空成就如來四菩薩者。一金剛葉。二金剛法。三金剛藥叉。四金剛拳。已上總有二十五也。及四攝八供養。故三十七。言四攝者。卽鉤索鎖鈴。八供養者。卽香華燈塗戲鬘歌舞。皆上有金剛。下有菩薩。然此三十七尊。各有種子。皆是本師智用流出。與今經中海印頓現大意同也。問若依此義。豈不違於平等意趣。平等意趣云。言卽我者。依於平等意趣而說。非卽我身。如何皆說爲本師耶。答平等之言。乃是一義。唯識尚說一切

衆生中有屬多佛多佛共化以爲一佛。若屬一佛。一佛能示現以爲多身。十方如來一一皆爾。今正一佛能爲多身。依此而讚。方讚本師。疏然此段文亦兼顯第十七隨其勝解。示現差別。佛土功德。鈔然此段下第八辨其兼合。此合第十七七德。故至下文說相則少。所以此中兼此德者。有二意故。一爲類例。義相似故。不欲繁文。故現妙喜極樂等土。二者以第十七成於此段。全是今師由差別土皆是本師一佛現故。不見此意。豈知經旨。勿輕爾也。

或見清淨大菩薩。充滿三千大千界。皆以具足普賢行。如來於中儼然坐。或見此界妙無比。佛無量劫所嚴淨。毘盧遮那最勝尊。於中覺悟成菩提。或見蓮華勝妙刹。賢首如來住在中。無量菩薩衆圍繞。皆悉勤修普賢行。或有見佛無量壽。觀自在等所圍繞。悉以住於灌頂地。充滿十方諸世界。或有見此三千界。種種莊嚴如妙喜。阿閼如來位在中。及如香象諸菩薩。

或見月覺大名稱。與金剛幢菩薩等。住如圓鏡妙莊嚴。普徧十方清淨刹。
或見日藏世所尊。住善允明清淨土。及與灌頂諸菩薩。充徧十方而說法。
或見金剛大燄佛。而與智幢菩薩俱。周行一切廣大刹。說法除滅衆生翳。
一一毛端不可說。諸佛具相三十二。菩薩眷屬共圍繞。種種說法度衆生。
或有觀見一毛孔。具足莊嚴廣大刹。無量如來悉在中。清淨佛子皆充滿。

或有見一微塵內。具有恒沙佛國土。無量菩薩悉充滿。不可說劫修諸行。
或有見一毛端處。無量塵沙諸刹海。種種業起各差別。毘盧遮那轉法輪。
或見世界不清淨。或見清淨寶所成。如來住壽無量時。乃至涅槃諸所現。
普徧十方諸世界。種種示現不思議。隨諸衆生心智業。靡不化度令清淨。
如是無上大導師。充滿十方諸國土。示現種種神通力。我說少分汝當聽。

疏文中三初八主伴嚴土攝生同次四微細含容轉法同後三總攝多門結前生後。鈔文中有三前二云同者順功德中平等德故。

或見釋迦成佛道已經不可思議劫或見今始為菩薩十方利益諸眾生。

或有見此釋師子供養諸佛修行道或見人中最勝尊現種種神力神通事。

或見布施或持戒或忍或進或諸禪般若方便願力智隨眾生心皆示現。

疏五或見釋迦下三偈即修一切障對治功德謂

一切時常修覺慧治六蔽等故既云已經多劫則不定始成。鈔五或見下約經即到無障碍處疏中先引無著立功德名後謂一切時下謂釋論意以會經文彼論具云謂已慣習一切煩惱及所知障對治聖道即一切智及定自性以為能治故無著論名為修治又以到於永離一切障處故經名為到無障處經中別說但明十度而偈總云供養諸佛修行道則無所不具疏有等言既云已經者即此段初半偈經云或見釋迦成佛道已經不可思議劫所以疏中牒此言者遮天台師之謬釋也。

謂彼學者多云華嚴雖則玄妙而有二事不如法華。一兼別義。是故不說聲聞作佛。二說如來始成正覺。不說本師壽量久成。故疏中指此經文卽是此經說久成處。若以此後不得談前。則法華壽量不能談於我始坐道場於三七日思惟等迹。然彼師以久成爲本。始成爲迹。今經之本則非古非今。若就迹門則能今能久。生公亦云。是以極設長壽。言伽耶是一。若伽耶是者。非復伽耶。伽耶旣非。彼長安獨是乎。長短斯非。則所以長短存焉。誠爲妙悟。不說聲聞得作佛者。約不共議。旣不厭捨。曾何

棄之。況一成一切成。無一衆生不具佛智。善須得意。勿雜釋經。

或見究竟波羅蜜。或見安住於諸地。總持三昧神通智。如是悉現無不盡。

或現修行無量劫。住於菩薩堪忍位。或現住於不退地。或現法水灌其頂。

或現梵釋護世身。或現刹利婆羅門。種種色相所莊嚴。猶如幻師現衆象。

疏六有三偈。卽降伏一切外道功德。於中初二卽教證二道。後一現所摧同類之身。鈔六有三偈

下卽經不可轉法疏中先引論立名後於中下便以論意釋經彼論具云由有上德故他不能轉利有情事故次明之謂教證二法皆不爲他所轉動故無有餘法勝過此故言初二卽教證二道者二偈之中各合教證初句證道次諸地句合於教證次半偈唯教後偈之中堪忍不退皆是證道餘卽教道

或現兜率始降神或見宮中受嬪御或見棄捨諸榮樂出家離俗行學道

或見始生或見滅或見出家學異行或見坐於菩提

樹降伏魔軍成正覺

或有見佛始涅槃或見起塔徧世間或見塔中立佛像以知時故如是現

或見如來無量壽與諸菩薩授尊記而成無上大道師次補住於安樂刹

或見無量億千劫作佛事已入涅槃或見今始成菩提或見正修諸妙行

或見如來清淨月在於梵世及魔宮自在天宮化樂宮示現種種諸神變

或見在於兜率宮無量諸天共圍繞爲彼說法令歡

喜。悉共發心供養佛。
或見住在夜摩天。忉利。護世龍神處。如是一切諸宮殿。莫不於中現其像。
於彼然燈世尊所。散華布髮爲供養。從是了知深妙法。恒以此道化羣生。
或有見佛久涅槃。或見初始成菩提。或見住於無量劫。或見須臾卽滅度。
身相光明與壽命。智慧菩提及涅槃。衆會所化威儀聲。如是一一皆無數。
或現其身極廣大。譬如須彌大寶山。或見跏趺不動。

搖。充滿無邊諸世界。
或見圓光一尋量。或見千萬億由旬。或見照於無量土。或見充滿一切刹。
或見佛壽八十年。或壽百千萬億歲。或住不可思議劫。如是展轉倍過此。
佛智通達淨無礙。一念普知三世法。皆從心識因緣起。生滅無常無自性。
於一刹中成正覺。一切刹處悉亦成。一切入一一亦爾。隨衆生心皆示現。
疏七。或現兜率下十六偈。卽生在世間不爲世法。

撰述
三層功金卷八
所碍功德。於中初五入相現世無碍。次三處天宮殿無碍。次六隨世巧化無碍。後二結無碍智之能徧隨機。鈔七或現下。約經卽所行無碍。疏中先出功德名。於中下。後科文解釋。彼論具云。顯示如來於所化中無高下碍。故次明之。謂世法八風不能拘碍故。八風卽利衰毀譽稱譏苦樂降神處宮卽是利也。棄榮離俗卽是衰也。若生若滅有苦樂也。學異行者兼於苦樂。多明苦也。坐道樹下降魔毀也。正覺譽也。涅槃起塔亦爲衰也。次二處天多明四順。次六巧化。義兼逆順。

如來住於無上道。成就十力四無畏。具足智慧無所碍。轉於十二行法輪。

了知苦集及滅道。分別十二因緣法。法義樂說辭無礙。以是四辯廣開演。

諸法無我無有相。業性不起亦無失。一切遠離如虛空。佛以方便而分別。

如來如是轉法輪。普震十方諸國土。宮殿山河悉搖動。不使衆生有驚怖。

如來普演廣大音。隨其根欲皆令解。悉使發心除惑垢。而佛未始生心念。

或聞施戒忍精進禪定般若方便智。或聞慈悲及喜捨。種種音辭各差別。
或聞四念四正勤。神足根力及覺道。諸念神通止觀等。無量方便諸法門。
龍神八部人非人。梵釋護世諸天衆。佛以一音爲說法。隨其品類皆令解。
若有貪欲瞋恚癡忿覆慳嫉及僞諂。八萬四千煩惱異。皆令聞說彼治法。
若未具修白淨法。令其聞說十戒行。已能布施調伏人。令聞寂滅涅槃音。

若人志劣無慈愍。厭惡生歿自求離。令其聞說三脫門。使得出苦涅槃樂。

若有自性少諸欲。厭背三有求寂靜。令其聞說諸緣起。依獨覺乘而出離。

若有清淨廣大心。具足施戒諸功德。親近如來具慈愍。令其聞說大乘音。

或有國土聞一乘。或二或三或四五。如是乃至無有量。悉是如來方便力。

涅槃寂靜未曾異。智行勝劣有差別。譬如虛空體性一。鳥飛遠近各不同。

撰述
聖嚴疏鈔卷八
佛體音聲亦如是。普徧一切虛空界。隨諸衆生心智殊所聞所見各差別。

佛以過去修諸行。能隨所樂演妙音。無心計念此與彼。我爲誰說誰不說。

如來面門放大光。具足八萬四千數。所說法門亦如是。普照世界除煩惱。

疏八如來住下有十八偈。明安立正法功德。於中初四偈立三乘法輪。兼顯業用。次三明立六度道品對治法。次七明一音隨類。聞法不同。乃至無量後四明平等語業而應一切。鈔八如來住下。卽

經立不思議。疏中先依論立名。後科文釋義。論云。由依前方便能作利益之事。故次明之。謂十二分教名所安立。由深廣故不可思議。釋經可知。

具足清淨功德智。而常隨順三世間。譬如虛空無染著。爲衆生故而出現。

示有生老病歿苦。亦示住壽處於世。雖順世間如是現體性清淨同虛空。

一切國土無有邊。衆生根欲亦無量。如來智眼皆明見。隨所應化示佛道。

疏九具足下三偈。明授記功德。謂記別過未如現。

狂。故云悉明見。鈔九具足下。卽經普見三世。疏中初依論立名。次謂記別下是指論解。論云以上加行利有情事。三世諸佛悉皆平等。故次明之。謂於三世平等性中能隨解了。過去未來曾當轉事。皆如現在而授記。故後從故云皆悉明見矣。是舉經帖。

究竟虛空十方界。所有人天大衆中。隨其形相各不同。佛現其身亦如是。
若在沙門大衆會。剃除鬚髮服袈裟。執持衣鉢護諸根。令其歡喜息煩惱。

若時親近婆羅門。卽爲示現羸瘦身。執杖持瓶恒潔淨。具足智慧巧談說。
吐故納新自充飽。吸風飲露無異食。若坐若立不動搖。現斯苦行摧異道。

疏十有四偈。明示現受用變化身功德。鈔十有四偈者。約經卽身恒充滿一切世間。疏中但出功德之名耳。無性名云顯上利益一切頓徧。非次第作。故次名之。經中多分說變化身。畧無受用。

或持彼戒爲世師。善達鑿方等諸論。書數天文地衆相。及身休咎無不了。

深入諸禪及解脫。三昧神通智慧行。言談諷詠共嬉戲。方便皆令住佛道。

疏十一或持下二偈。明斷一切疑功德。謂於一切境善決定故。能斷他疑。鈔十一等者。約經卽智。恒明達一切諸法無性釋云。以於上十方彼彼之處。作斷疑事。故次明之。疏中先出功德名。後於一切下。論釋於一切境善決定下。欲斷他疑。要須自斷。方能斷他。經中旣爲世師。內外兼了。故能斷疑。或現上服以嚴身。首戴華冠。陰高蓋。四兵前後共圍繞。誓衆宣威。伏小王。

或爲聽訟斷獄官。善解世間諸法務。所有與奪皆明審。令其一切悉欣伏。

或作大王專弼輔。善用諸王治政法。十方利益皆周徧。一切衆生莫了知。

或爲粟散諸小王。或作飛行轉輪帝。令諸王子采女衆。悉皆受化無能測。

或作護世四天王。統領諸龍夜叉等。爲其衆會而說法。一切皆令大欣慶。

或爲忉利大天王。住善法堂歡喜園。首戴華冠說妙法。諸天觀仰莫能測。

撰述
華嚴疏鈔卷第十
或住夜摩兜率天。化樂自在。魔王所居。處摩尼寶宮。殿說眞實行。令調伏。
或至梵天衆會中。說四無量諸禪道。普令歡喜。便捨去。而莫知其往來相。
或至阿迦尼吒天。爲說覺分諸寶華。及餘無量聖功德。然後捨去。無知者。

疏十二有九偈。令人種種行功德。謂徧了一切有情性行。隨根令人故。鈔十二等者。約經了一切行。疏中先出功德名。後謂徧了。下論釋。無性生起云。由所化生有差別。故次明之。離世間品但名了。一切行。若深密等云。於一切行成就大覺。無性云。入種種行法。皆成大覺。故經文中隨其心行。現種種形。說種種法。乃至爲說覺分諸寶華。諸聖功德。卽是皆成大覺義也。

如來無礙智所見。其中一切諸衆生。悉以無邊方便。門。種種教化。令成就。

疏十三如來無礙智一偈。卽當來生妙智功德。謂佛知久遠故。鈔十三如來下。約經盡一切疑。十一是斷自疑。此斷他疑。疏中先出功德名。後謂佛知下解釋。彼論具云。由卽於前所化有能善巧別

知故謂聖聲聞言此人全無少分善根。如來知彼善法當發現證。過去微少善根種子所隨故。故經文中無得智見一切衆生。以無邊門皆令成熟。譬如幻師善幻術。現作種種諸幻事。佛化衆生亦如是。爲其示現種種身。

譬如淨月在虛空。令世衆生見增減。一切河池現影。像所有星宿奪光色。

如來智月出世間。亦以方便示增減。菩薩心水現其影。聲聞星宿無光色。

譬如大海寶充滿。清淨無濁無有量。四洲所有諸衆生。一切於中現其像。

佛身功德海亦爾。無垢無濁無邊際。乃至法界諸衆生。靡不於中現其影。

疏十四有五偈。隨其勝解。示現功德。謂隨解現身。故。鈔十四下。卽經無能測身。疏中先立功德名。後謂隨解現身。故。卽論釋也。若解深密云。凡所現身不可分別。不可分別卽無能測。無性生起云。由上云善巧別知故。此次云於前所化邪正及俱行中。無有分別。故今經中情與非情萬類皆現。乃至云佛身功德海亦爾。無垢無濁無邊際等。

譬如淨日放千光不動本處照十方佛日光明亦是無去無來除世暗。

譬如龍王降大雨不從身出及心出而能霑洽悉周徧滌除炎熱使清涼。

如來法雨亦復然不從於佛身心出而能開悟一切衆普使滅除三毒火。

疏十五有三偈卽無量所依調伏有情加行功德意云佛智爲無量菩薩調伏衆生加行之所依故鈔十五下卽一切菩薩等所求智。疏中先出功德名後意云下以論意釋具足論云爲欲引發不

定種性聲聞菩薩唯讚大乘故次明之言等所求者無不求故。

如來清淨妙法身一切三界無倫匹以出世間言語道其性非有非無故。

雖無所依無不住雖無不至而不去如空中畫夢所見當於佛體如是觀。

疏十六如來清淨下二偈明平等法身波羅蜜多成滿功德然同攝論法身具五種相初句白法爲相以是極果圓滿自在故次二句不思議相次一是無二相次一無依相次句常住相次句二喻者

空畫喻無依。夢喻非有無二相。餘不可喻。或畧不
喻。鈔十六如來下。約經卽到佛無二究竟彼岸。
疏中先依論立名。後釋經法身相。今初無性釋云。
爲遮所化。於大師疑一切智非一切智。故次明之。
由滿諸度是一切智。論云平等。釋經無二平等有
二。一身平等。於法身中滿諸度故。二果位諸度無
增減故。名爲平等。親光則以住於法身卽是彼岸。
無著則以彼岸是於法身所有。二義俱通。然同下。
二釋法身相。卽第九論彼相分中。論云。諸佛法身
以何爲相應。知法身畧有五相。一轉依爲相。謂轉

滅一切障。雜染分依他起性故。轉得解脫。一切障
於法自在。轉爲現前淨分依他起性故。故經云。雖
無所依。滅染依故也。無不住。得淨分也。二白法所
成爲相。謂六波羅蜜圓滿。得自在故。故疏云。圓
滿自在。三無二爲相。謂有無無二爲相。由一切無
所有故。空所顯相。是實有故。有卽爲二爲相。業煩
惱盡。非所爲故。自在示現有爲相故。異一性無二
爲相。由一切佛所無差別故。無量相續。現等覺故。
故經云。其性非有非無故。正是初意。四常住爲相。
謂真如清淨相故。本願所引故。所應作事無竟期。

提述
故。此有三身常義故。經雖無不至。卽應化普周受用。廣徧二身常義。而不去者。自性身常。不去卽不變。常無不至。卽相續不斷常耳。五不思議相。謂眞如清淨。自內證故。無有世間喻能喻。故非諸尋思所行處。故經云。一切三界無倫匹。卽無喻能喻。以出世間言語道故。非尋思所行。而五相相融爲法身體。疏但畧配。故鈔委出。或畧不喻者。以按文釋空中之畫。若准新經。乃有三喻。謂如空。白日。亦如夢。則空可喻二。謂無所依及常住相。如白日喻。喻白法爲相。如夢一喻。喻無二相。欲言其有覺竟。

無實。欲言其無。夢境歷然。故非有無。爲無二相。其不思議。後偈顯之。

三界有無一切法。不能與佛爲譬喻。譬如山林鳥獸等。無有依空而住者。

疏十七有一偈。明隨勝解。示現差別。佛土功德。旣隨解而現。故不可喻。此偈亦總拂前喻。如山等。必不依空。有等。必不能喻佛。鈔十七下。約經卽具足。如來平等解脫。疏中先立名。後旣隨解而現下。釋經論云。以外人聞上平等。謂同一性。故次說言。不相間雜。謂一切如來十身體用。各各別故。猶如。

冥室千光。結此一段差別佛土。上第四門已兼明。竟故此但畧顯。不思議故。不可爲喻。

大海摩尼無量色。佛身差別亦復然。如來非色非非色。隨應而現無所住。

疏十八一偈。明三種佛身方處無分限功德。鈔十八下。卽經證無中邊佛平等地。疏中但出功德名耳。無性云。由疑上如來妙智究竟非一非異。其相云何。故次明此。無中邊等。常無常等。皆二邊相。論立名中言方處者。謂諸世界無分限者。釋無中邊。無中邊言。畧有四義。一虛空無中邊。佛德如彼。

無有分限。二世界無中邊。諸佛十身卽於其中。稱世界量平等徧滿。三此法身等於佛地中平等徧滿。無中無邊。無有分限。四此法身等徧一切處。爲諸衆生現作饒益。然非自性無中邊故。經中明身如摩尼。具無量色。卽第二充徧一切。然非色非非色。爲無中邊。卽第三四義。其隨現無住亦第三義。及第一義。無分限故。親光名此爲真如相殊勝功德。義亦全同。以其雙非。復無住故。

虛空真如及實際。涅槃法性寂滅等。唯有如是真實法。可以顯示於如來。

撰述
疏十九一偈。攝三種功德。同法性等。卽窮生。死際。常現利樂。一切有情功德。等虛空。卽無盡功德。等實際等。卽究竟功德。以如實際之際。窮未來際故。鈔十九下。約經卽極於法界。等虛空界。窮未來際。配三德名。疏文具之。卽以實際配於經中。窮未來際。然第十九功德。無性云。以上言無中邊相。云何無相。故次明之。極於法界。謂此法界最清淨。故離諸戲論。是法界最清淨相。能起等流利益之事。極此法界。無有盡期。第二十等虛空界。無盡功德。無性云。謂上作利樂。皆無盡故。此約自利無盡故。

論云。謂如虛空。經成壞劫。性常無盡。如來一切真實功德。亦復如是。其窮未來際云。究竟功德者。論云。如未來際。無有盡期。如來利他功德。亦復如是。究竟無盡。然上二句。無著但云無盡功德等。不言開合。無性開二故。但第二十初有一生起。

剎塵心念。可數知。大海中水。可飲盡。虛空可量。風可繫。無能盡說。佛功德。

若有聞斯功德海。而生歡喜信解心。如所稱揚。悉當獲。慎勿於此懷疑念。

疏後二偈。結德無盡。亦是別顯無盡功德。雖是總

結卽當別文於中前偈結德後偈勸信古德亦有將此二偈爲一部流通已如前說鈔上來且欲將後二偈以爲總結故配三德理實後二正是等虛空界窮未來際無盡功德故疏云亦是別顯無盡功德。

全疏大科爲四中第三開章釋文一大科自玄談第二卷第十三葉將釋經義四字起至此方竟

四大科者一總序名意終於玄談第一卷二歸敬請加終於玄談第二卷十二葉三開章釋文談括七十六本半後一科卽謙讚迴向。

法性深廣難思議我已隨分畧開解願斯功德同實際普令合識證菩提此一偈亦疏例同玄談

法性深廣下卽大文第四謙讚迴向上半謙讚上句讚下句謙下半迴向三處初句迴向實際後二迴向衆生及迴向菩提然迴向菩提復有二意一自成菩提二令他成令他成者義同迴向衆生菩薩發心不期自爲卽以向他爲自益耳故令合識同證菩提賢首法師發願偈云誓願見聞修習此圓融無碍普賢法乃至失命終不離盡未來際願相應以此善根等法性普潤無盡衆生界一念多


撰述
大方廣佛華嚴經疏鈔卷第八十
劫修普行盡成無上佛菩提


此入行半亦鈔例同玄談

是卷也。經已竟乎九會。疏亦畢夫四科。雖終始之循環無端。自談因徹果。然函軸之卷舒有盡。當廣攝兼收。願祈福及涓流。權以已爲領袖。人不拘其品類。物且暨夫鱗蟲。或使其見聞爲種。或令不思議受薰。盡觸遮那之光。咸歸法界之海。功勳則恒沙之數難悉。姓字則音釋之後備。詳。計刺資八兩

大方廣佛華嚴經疏鈔卷第八十終







テ
十

九
終

